


1315  
369

1315  
369  
30-15







御念念

喜也从心余聲說文引書金滕王有疾不念念喜也今本以豫為之東京賦膺多福以安念薛注寧也穆天子傳天子使孟念如畢討戎注音豫別義說文念忘也廣雅釋詁二念忘也段借雙聲連語字亦作徐說文又曰嘽也廣雅釋詁徐覃懷憂也楚辭謬諫心徐憚而煩冤兮注憂愁鬼後漢馮衍傳注徐憚禍福未定也又賈誼新書孰能無徐憚淮南書憚徐注貪欲也

魚虞 涂

涂水出益州牧靡南山西北入灑从水余聲按今出雲南臘谷入金沙江至四川入江別義魏志王淩傳吳塞涂水字亦作涂涂州即涂中也段借為茶廣雅釋詁三涂害也又為塗為途實為徐周禮司險五溝五涂注五涂徑眇徐道也量入量其市朝州涂軍社之所里禮記王制士遇之涂爾雅釋詁邱堂涂楅耶亦作當途考工匠人注引爾雅釋官堂涂謂之陳荀子儒效混然涂之人也漢書禮樂志大朱涂廣周憬功勳銘行旅語于涂陸按徐安行也轉注訓道路與行同意又為汚禮記內則涂皆乾擘之又為朽說文朽所以涂也又託名標識字爾雅十二月為涂聲訓釋名涂度也人所由得通度也古韻詩出車叶華塗居書易睽叶孤塗車弧莊子徐无鬼叶御馬野塗孫武子九地叶居塗盧荀子成相叶惡度途故

虞 捺

臥引也从手余聲謂橫引之廣雅釋詁一引也法言問神捺中虞捺心之所欲段借為祭廣雅釋詁四捺銳也淮南兵畧刻擗祭齋

魚 畬

擔纒以當脩戟強弩正作祭字亦誤作捺玉篇捺刺木也又為斜廣雅釋詁二捺抒也三歲治田也从田余聲按一歲曰蓄二歲曰新田易无妄不蓄畬凶董遇注悉耨曰畬虞翻注田二歲曰畬釋文引說文亦作

二歲詩臣工如何新畬聲訓爾雅釋地孫注畬和也田舒緩也

麻 斜

抒也从斗余聲讀若茶史記喪斜道注谷名楊君石門頌余谷之川以余為之段借為衰今俗用為斜正字

魚 除

殿陛也从阜余聲按階級如山石之高下故从阜漢書蘇武傳扶輦下除注謂門屏之闕王莽傳自前殿南下椒除注殿陛之道也西都賦修除飛閣東京賦登自東除廣雅釋室除道也段借為

法廣雅釋詁二除去也詩蟋蟀日月其餘傳去也小明日月方除傳除陳生新也箋則以爾雅四月為余當之禮記曲禮馳道不除注治也周禮典祀則師其屬而修除注芟掃之考工玉人以除慝注誅惡逆也老子朝甚除王注潔好也又漢書景帝紀初除之官注凡言除者除故官就新官也又方言三愈或謂之除廣雅釋詁一除愈也又

淮南天文是故春夏則羣獸除注冬毛微墮也又為儲按詩斯干風雨攸除釋文去也非易萃君子以除戎器鄭注去也虞注修也非荀

本作慮又為舒詩天保何福不除傳開也按舒之言予也展也舌韻詩斯干叶除去芋蟋蟀叶莫除瞿居天保叶固除庶小旻叶除莫庶

暇顧怒靈樞刺節真邪叶邪除楚詞遠  
遊叶居霞戲除文字精誠叶由除虛餘

虞 醑

酒母也。从酉，余聲。讀若盧。蓋今之醑也。轉注廣雅釋器醑酒也。玉篇云：麥酒不去滓，飲也。齊民要術有蜀人作醑酒法。

魚 蔕

黃蔕，職也。从艸，除聲。似苦蕒，別義廣雅釋草。蔕，蔕地榆也。菜屬，亦各玉豉。

魚 籛

籛，籛從竹，遠聲。粗竹席。按遠籛亦疊韻連語。

射三名凡射之派皆衍射聲

食夜切

陌 射

射，弓弩發於身而中於遠也。从矢，从身，會意。篆文从寸，从身。保氏三曰：五射可農，注白矢參連，刻注襄尺并儀也。按禮射有四大射：賓射、燕射及鄉射。又投壺亦射之細也。禮記射義：射者男子之事也。又射者仁之道也。孟子序者射也。注射者三耦四矢以達物導氣也。轉注漢書蕭望之傳：以射策甲科為郎。注射之言，投射也。又後漢光武紀：射聲校尉。注射聲謂工射者也。夜中聞聲則射之，因以為名。又周禮典瑞：瑋，瑋射注，刻也。考工玉人：射四寸，注炎出者也。又列子說符：博者射注，凡戲爭能取中，皆曰射。段借為鞞爾雅，釋詁：射，厭也。易說卦：水火不相射。詩：車牽好爾無射。禮記中庸：在此無射，緇衣服。

之無射周禮大宗師無射周語無射所以宣布哲人令德示民軌儀也。白虎通五行射者終也無射者無厭也。又為畢楚辭天問皆歸射籛而無害厥躬。按古書本有益干啟位之說言伺獲啟窮治也。註訓行窮失之又為驛廣雅釋詁一射行也。又為驛春秋繁露郊祀耗射下土又託名標識字史記僕射官名音夜水經漸江水注射堂縣先名上諸暨亦曰句無矣。大戴勸學西方有木名曰射干。後漢馮衍傳：注射于鳥翼也。陳寤傳：注射即今之鳥扇也。廣雅釋魚：射工，域也。又易非谷射鮒，荀爽作耶。穀梁桓九世子射姑，莊廿三曹伯射姑，釋文本作亦史記作夕左支六傳：狐射姑，穀梁作夜射姑。蓋疊韻連語。聲訓禮記射義：射之為言者，釋也。或曰：舍也。釋者各釋己之志也。又玉藻注：謂靈射之屬。疏射則釋也。按爾雅：釋魚作射。周禮：龜人作釋。又考工玉人注：射其外，駟牙。古韻詩：大叔于田，叶射。御車，牽叶譽。射抑叶格。度射易說卦：叶薄射。錯逆禮射義：叶射。釋舍，孟子叶序射。鬼谷子：抵巇叶射。鯨詩：倚嗟叶舞射。句中韻。

馮 讞

讞，去也。从言，殸聲。按辭而去也。字亦作謝。禮記曲禮：若不得謝，是謂謝。施司馬注：化也。顏延年詩：屬美謝繁翰。注：猶慙也。段借託名。標識字詩：崧高于邑，于謝。傳周之南國也。潛夫論：作序既入于謝。楚詞注：作徐黍苗。肅肅謝功，傳邑也。又爾雅：釋魚，鮒。仰者謝。釋文本作

射按周禮龜人作繹又爾雅釋宮閣謂之臺有木者謂之榭又無室曰榭字作榭按臺上有屋無四壁與堂皇之有屋無四壁皆名榭者謂室去序也左宣十六傳成周宣謝火荀子王霸臺榭甚高皆正作謝禮記禮運以為臺榭左襄三十一傳無觀臺榭穀梁宣十六傳宣榭書偽泰誓宮室臺榭釋文並云本作謝按左哀元傳次有臺榭破池焉禮記月令可以處臺榭楚辭招魂層臺累榭淮南精神高臺層榭此皆爾雅所云有木者謂之榭也左成十七傳三卻將謀于榭注講武堂公羊宣十六傳宣宮之榭也東京賦詠門曲榭魯靈光殿賦陽榭外望儀禮鄉射禮豫則鉤楹內以豫為之此皆爾雅所云無室曰榭也古韻管子四稱叶榭舍圖夜處文子自然叶謝夜

**麋** 麋如小麋臍有香从鹿聲聲字亦作麋爾雅麋父麋足西山經翠山其陰多旄牛麋麋注似獐而小有香

**牙十一名凡牙之法派皆衍牙聲** 五家切

**牙** 牡齒也象上下相錯之形九經字樣石本引作壯齒也古象也鄭注謂互之誤字左隱五傳皮草齒牙疏頰上大齒謂之牙轉注後漢崔駰傳童牙注謂幼小也又考工輪人牙也者以為固抱也司農云或謂之罔書或作鞣車人注釋文木或作迺又廣雅釋器機謂之牙釋各釋兵弩鉤弦者曰丁似齒牙也又周禮典瑞牙璋以起

**牙** 軍旅司農注琢以為牙牙齒兵象故以牙璋發兵若今時以銅虎符發兵又東京賦牙旗纒紛注占者天子出建大牙旗等上以象牙飾之又崇牙張注崇牙栒虞上板作劔路者又禮記玉藻佩玉有衝牙皇氏注衝居中央牙是外畔兩邊之璜段借託名標識字書君牙禮記緇衣作雅呂覽本味伯牙破琴絕絃注或作雅聲訓釋各釋形體牙櫛牙也古韻詩行露叶牙家易大畜易牙櫛

**芽** 萌也艸牙聲廣雅釋艸芽孽也轉注廣雅釋詁一芽始也古韻禮月令叶芽孤

**訝** 相迎也从言牙聲周禮曰諸侯有卿訝發按乍按必以言故外言俗字作迺周官有訝士有掌訝司農注引公羊成二傳跛者訝跛者儀禮公食大夫禮從者訝受皮注迎也聘禮訝賓于館注以君命迎賓謂之訝又訝受凡于筵前注今文訝為梧蓋以梧為之書牧誓馬本弗禦克奔以禦為之書洛誥御衡不迷詩甫田以御田祖荀子榮辱御旅注逆旅也皆以御為之周禮田僕注逆衙還之以衙為之段借為庠周禮圉師故書夏

**訝** 訝馬又為選今用訝為相驚之辭

**迺** 此字徐鉉補入說文為十九文之一从辵牙聲按即訝字之俗書盤庚子迺續乃命于天牧誓弗迺克奔洛誥旁作穆穆迺衡皆衛包所改俗字左成十三傳迺晉侯於新宮公羊成二傳使眇者迺眇者思元賦僉供職而來迺爾雅釋詁迺迎也古本皆作訝故左

傳公羊傳爾雅釋文並云迓本作訝

馬雅

楚鳥也一名鴛一名卑居秦謂之雅久佳牙聲按大而純黑反哺者鳥小而不純黑不反哺者雅雅即鳥之轉聲字亦作鴛作

鴛書古太誓流之為鴛鄭注鴛鳥也莊子齊物論鴛鴦者鼠釋文本作鴛按鴛鳥非小爾雅之鴛鳥乃爾雅之鴛鳥鴛鴦即漢書梅福傳之鴛鴦皆連文得名其聲亦雅雅然與此楚鳥不同也假借為謂毛詩序雅者正也言王政之所由廢興也孝經大雅云鄭注雅者正也詩鼓鐘以雅以南箋周禮大師曰雅注論語子所雅言皇疏史記三王世家文章爾雅索隱皆訓正也風俗通聲音雅之為言正也白虎通禮樂雅者古正也按說文正為請後又借雅為請也風諷也雅謂正故傳會訓正其實古文借正為請後又借雅為請也風諷也雅謂也頌誦也此四始之本字又賈子道術辭令就得謂之雅方言一舊書雅記注雅爾雅也爾雅序釋文本作正釋各釋典藝雅義也又為夏荀子榮辱君子之雅按與儒效篇居夏而夏之夏同注正而有美德者謂之雅又為虎左傳齊公孫寵字子雅又為素亦為故史記荆燕世家今呂氏雅故高帝紀雅不欲屬沛公張耳陳餘傳張耳雅游漢書張禹傳忽忘雅素又為舒實為徐陸雲詩雅步擢纖腰注閑雅謂妖麗也失之又託名幪識字周禮笙師春廣應雅司農注雅狀如漆箏而弁口大二圍長五尺六寸以羊韋鞞之有兩紐疏畫禮記樂

麻

枓木也外木牙聲亦謂之胥邪俗字作柳作柳其木葉在顛畧似椶樹實大如瓠繫在顛若挂物然今俗所用柳瓢是也異物志柳高十尋葉僅為牙說文一日車軻會也又豐韻連語方言江東謂極杈魯靈光殿賦枝掌杈枓而斜據字亦作極又重言形况字釋名釋用器柳或曰了了以杖轉于頭故以名之也字又作了

麻 邪

琅邪郡外邑牙聲按其地有琅邪山古齊東南邑也在今山東青州府諸城縣字亦作琊孟子放於琅邪海內東經琅琊臺在渤海間琅琊之東水經濰水注琅邪山名越王句踐之故國也句踐并吳欲霸中國徙都琅邪假借為衰賈子道術方直不曲謂之正反正為邪春秋繁露竹林前正而後有枉者謂之邪道禮記樂記回邪曲直祭義雖有奇邪而不治者周書王佩亡正處邪注姦術也素問邪氣之容於身也注不正之目登徒子好色賦愚亂之邪臣注僻也爾雅釋器注禕邪交落帶繫於體又後漢靈帝紀天祿辟邪注皆獸名也又為餘史記麻書歸邪于終集解餘分也又疊韻連語詩北風其虛其邪爾雅作徐同又史記滑稽傳汗邪滿車集解下地田也又

記訊疾以雅注亦樂器名狀如漆箏中有雅又緇衣君雅曰注書序作牙假借字也聲訓釋名釋言語雅雒也為之難人將為之雒雒然憚之也舌韻禮記樂記叶旅鼓武雅語古下

呂覽用民莫邪不為勇者與注美劍漢書楊雄傳杖鏢邪注大戟也  
又為除廣雅釋室邪除道也邪即除也又為尺莊子在宥豈直過也  
而去之邪邪咫雙聲又助語之詞字亦誤作耶顏氏家訓邪者未定  
之辭北人即呼為也史記刺客傳顧不易邪索隱不定之辭漢書外  
戚傳內邪若不私府小取注語辭也荀子正名其求物也其養生也  
注邪問之辭邪也亦雙聲古龍詩北風叶虛邪且駟叶駟魚祛邪徂  
靈樞刺節真邪叶邪除

麻 衰

禮也按衰也从衣牙聲錯本六書故引唐本說文皆作紕也周  
禮比長有畢奇衰則相及注猶惡也宮正與其奇衰之民注奇  
衰譎觚非常內宰禁其奇衰注若今婦道司救衰惡過失注衰惡謂  
侮慢長老言語無忌而未麗于尊者衰衰字他經傳多以回邪為之  
庶也从牙聲通俗文客堂曰房廣雅釋室房舍也周禮圉師  
夏房馬注庶所以庇馬涼也按字亦作廡淮南說林大廈成而

馬 房

燕雀相賀注屋也西京賦大廈耽耽薛注屋之四下者為廈聲訓釋  
名大屋曰廡并冀人謂之房房正也屋之正大者也按傳會詩大疋  
字為

麻 鈔

鏤鈔也从金牙聲字亦作鏤莊子大宗師我且必為鏤鏤釋文  
劍名又漢書杜篤傳注鏤鏤大戟也按鏤鈔亦疊韻連語荀子

麻 茆

呂覽淮南皆作莫邪同茆茆也从艸  
邪聲即昌蒲

亞人名凡亞之派皆衍亞聲

衣稼切

馮 亞

醜也象人局背之形書洪範五曰惡孟子雖有惡人以惡為之  
易繫辭苟本言天下之至賾而不可亞也注次也非今作惡為之  
借為敘說文賈侍中說以為次弟也爾雅釋言亞次也書牧誓亞旅

詩載芟侯亞侯旅儀禮士虞禮魚亞之覲禮路下四亞之特牲禮亞  
獻尸左文六傳為亞卿焉襄十九傳亞宋子論語亞飯干西京賦常  
亞于乘輿字亦作姪爾雅爾雅爾雅爾雅爾雅爾雅爾雅爾雅爾雅  
本作

麻馬 啞

笑也从口亞聲易震笑言啞啞鄭注樂也按啞啞笑聲也亦重  
言形况字史記刺客傳吞炭為啞索隱謂瘖病當為此字本訓  
痺蒼癩瘖也字亦作

慶 啞

相毀也从言亞聲段借  
為惡說文一曰畏亞

虞過 惡也。从心，亞聲。俗字作惡。顏氏家訓：惡上安西，按宜从西，聲於六書，尙合周禮司救，掌萬民之哀，惡過失左，定五傳，吾以志前人，段借爲亞，左昭廿八傳，讓蔑惡，注貌醜也。書洪範五曰：惡傳醜陋也。禮記大學：人莫知其子之惡，老子：天下皆知美之爲美，斯惡已。管子樞言：惡者美之充也。左成六傳：其惡易觀，注疾疾也。又齊語：惡金以鑄，鉏夷斤，擣注麤也。呂覽簡選：與惡卒無擇，注怯卒也。儀禮既夕記：主人乘惡車，古文以亞爲之。禮記喪服小記：齊衰惡笄，疏榛木爲笄也。又易繫詞：言天下之至賾而不可惡也。荀子：本正作亞，呂覽首時其見適，吾所甚惡也。注：憎也。論語：君子亦有惡乎？皇疏：謂憎疾也。史記：弟子傳且王必惡，越索隱：猶畏也。齊策：齊衛之交，惡注不睦也。呂覽安死：非惡其勞也。注：猶患也。易彖傳：人道惡盈而好謙，繫辭傳：愛惡相攻，禮記玉制：奉諱惡，注忌日。若子卯也。漢書夏侯勝傳：惡察，言注謂忌諱，又爲誣。漢書鄒陽傳：惡之孝王，注謂讒毀也。張禹傳：數毀惡之，注謂言其過惡，又爲汙。左成六傳：有汾澮以流其惡，注垢穢也。周書武順地：有五行不通，曰惡管。子水地：夫水淖弱以清而好灑人之惡，又漢昌邑哀王傳：如青蠅惡矣。注：惡卽矢也。又爲瑕。漢書路溫舒傳：瑾瑜匿惡，又爲敘書大傳：王升舟入水，鐘鼓惡，注當爲亞。亞次也。又發聲之詞，與於烏何安焉等字同。實借爲曷，惡曷一聲之轉。左桓十六傳：惡用子矣。注：安也。家語曲禮：子貢問有亡惡乎？

齊注何也太元元文，爾惡入乎逆，注於也。荀子：法行孔子曰：惡賜是，何言也。注：猶言烏小爾。雅廣訓：惡乎於何也。論語：惡乎成名？孟子：惡是何言也。注：不安事之歎辭也。又雙聲連語：禮記禮器：必先有事于惡池，注當爲呼釋文。本作虜，穆天子傳：作滹沱，皆同聲訓。釋名：釋言：語惡，捉也。捉，困物也。惡，捉雙聲。呂覽慎小：物以論好惡，注：惡惡也。漢書爰盎傳：後雖惡君，注：謂譖毀之言。其過惡，古韻詩：遵大路，叶路祛。惡故節南山，叶惡。憚雨無正，叶夜夕。惡振鷺，叶惡。數夜譽楚詞，離騷：叶固惡。寤古又叶女汝字。惡荀子：成相，叶惡度。途故文：子自然，叶度惡。故迂。

藥 亞

亞 虺屬，从虫，亞聲。一名跌。大眼，最有毒。淮南人呼惡子。

藥 亞

亞 白塗也。从土，亞聲。西山經：大次之山，其陽多亞。注：亞似土色。甚白，子虛賦：其土則丹青赭亞。注：白土也。穀梁莊廿三傳：天子諸侯，勳亞又北山經：澠水其中多黃亞。轉注：廣雅：釋室亞塗也。周禮司

桃其祧，則守祧。勳亞之爾雅：釋宮：牆謂之亞。禮記喪大記：既祥，勳亞。注：勳亞，室之飾也。後漢尹敏傳：亞，漫注有泥漫之也。考工匠人營國，注以蜃灰亞牆，疏：亞卽白蜃。段借爲惡，實爲亞。禮記雜記：廬亞室之中，誓訓釋名：亞也。次也。先泥之次，以白灰飾之也。

麻 鈹

鈹 銀頸鎧也。从金亞聲。按鈹，銀亦疊韻連語。一名盆領。

禡 晉 晉

禡 晉 晉 關接。从日亞聲。讀若而汗。簡以為惡。字云出魏石經。字从日必非惡字。

下一名凡下之派皆衍下聲

胡雅切

馬 下

馬 下 底也。指事。錯本从反土為下。按古文一在一之下。據偏旁補篆文。从古文二。又作中直而屈之書。舜典疇

若予上下草木鳥獸。傳謂澤微子用亂敗厥德于下。馬注世也。詩下武維周箋。猶後也。周禮典同。下聲肆。注謂鐘形。下大禮記。曲禮君臣上下釋文。謂大夫士又爾雅。釋詁。下落也。方言十三。捨下也。注。捨下謂陷下也。又禮記射義。下而飲。注。降也。史記項羽紀。未能下正義。以兵威服之。曰下。周禮司民歲登。下其死生。注。下猶去也。荀子堯問。賜為人下而未知也。注。謙下也。書偽。五子之歌。民可近不可下。傳謂失分秦策。下兵三川。注。出兵也。古韻詩。采蘋。叶下。女殷其雷。叶下。處凱風。叶下。苦宛。叶下。鼓下。夏羽。東門之楊。叶下。七月。叶下。股羽。野。字。戶下。鼠處。采菽。叶下。紓。子。鳧。鷺。叶下。渚。處。滑。浦。下。訪。落。叶下。家。下。泉。叶下。寤。句。中。韻。易。乾。叶下。普。又。叶。虎。觀。下。又。叶。下。舍。蠱。叶。蠱。下。巽。叶下。若。雜。卦。叶。故。旅。下。寡。處。禮。記。月。令。叶。賦。下。赦。禮。運。叶。戶。下。組。鼓。嘏。樂。記。叶。旅。鼓。武。雅。語。古。下。楚。詞。離。騷。叶。下。子。停。妒。馬。女。湘。夫。人。叶。渚。子。

下少司命叶蕪下予苦招魂叶舞下鼓楚呂管子度地叶下距弟子職叶坐所矩下緒周書大明武叶暑處賈女下小明武叶女所下苦野鼓怒戶弩女伍武又叶古阻下主太子晉叶下禹荀子成相叶悟苦下戶雲賦叶下鉅矩禹寓宋策叶巨下墨子尙賢中叶普下固文子道原叶與後呂覽任地叶逆慕薄邾慕下貴生叶直下鵠冠子度萬叶五下禍素問陰陽應象大論叶下女路離合真邪論叶怒下取轉音易觀叶下化文子道原叶下地老子重德叶主下家語觀周叶下後靈樞官鍼叶下取補寫又叶理在部府下在苦脈論叶寫下道止始殆補高唐賦叶柱下風賦叶口下怒迨莽

虞 禡

虞 禡 地黃也。从艸下聲。爾雅釋草。注。一各地。髓本草。一各芭儀禮公食大夫禮記。鋼。毛。牛。薺。羊。芣。豕。薇。古文作苦。疑許所見本借芣為苦耳。地黃藥品。未宜為美。段借禮記。開傳。芣。蕘。不。納。注。今之蒲。萃也。此萃字之形。譌。

夏 一各凡夏之派皆衍夏聲

胡雅切

馬 禡

馬 禡 中國之人也。从夂从頁。从日。白。兩手。夂。兩足也。古文从夂。少西字。夏。鄭公孫夏。字。西。又按此字。本誼。當訓大也。萬物寬假之時。也从頁。日。夂。象人當暑。燕居手足表露之形。于六書為指事。春夏秋

冬四時並本字本誼爾雅釋天夏為朱明夏為長贏春秋繁露夏火氣也又夏主養夏氣樂又賞為夏崔靈恩三禮義宗夏大也至此之時物已長大故以為名釋注虞書蠻夷滑夏傳華夏也公羊成十五傳春秋內其國而外諸夏注諸夏外土諸侯也謂之夏者大總下上言之辭也左襄廿九傳此之謂夏聲服注與諸夏同風呂覽察今東夏之命注東方也又方言一凡物之壯大謂之馘或曰夏又凡物之壯大而愛偉之謂之夏假借為序詩權輿夏屋渠渠法言吾子知夏屋之為耕稼也楚詩哀郢曾不知夏之為耶兮注大殿也招魂冬有突夏注大屋也家語終記吾見封若夏屋者注今之殿形中高而四方下也又為華周官有夏采巾車孤兼夏篆注五采畫轂約也染人秋染夏注染五色書禹貢羽吹夏翟傳翟雉名又為櫃禮記樂記夏楚二物注稻也又助長意傳箋訓諸夏失之書多方須夏之子孫亟也猶孟子勿忘勿助長意傳箋訓諸夏失之書多方須夏之子孫鄭注夏之言暇漢靈臺碑日稷不夏又為馘呂覽求人夏海之窮注大冥也按大者夏字轉注之訓實馘之本訓也又託名標識字白虎通號夏服周者有天下之木號也周禮大司樂大夏注禹樂也詩時邁肆于時夏箋樂歌大者稱夏思文陳常于時夏箋夏之屬有九又大司樂王夏肆夏昭夏注三夏皆樂章各儀禮燕禮注凡夏以鐘鼓奏之又淮南本經放之夏臺白虎通夏曰夏臺又儀禮士喪禮夏祝鬻餘飯注祝習夏禮者也又水經夏水注夏之為名始于分江冬竭

馬 寡

夏流故納厥楫既有中夏之目亦包大夏之名矣左昭十三傳王洽夏釋文漢水也水經江水注夏水過郡入江故曰江夏又禮記月令半夏生注藥草又重言形况字廣雅釋訓夏夏行也按猶衙衙吾吾雅雅也聲訓廣雅釋言夏暇也禮記鄉飲酒義夏之為言假也書大傳夏者假也吁茶萬物養之外者也東京賦造我區夏矣注華夏也古韻詩宛耶吁鼓下夏羽四月叶夏暑予禮孔子閒居叶夏露

寡 少也 從 宀 从 頁 省 頰 分 賦 也 故 為 少 駿 按 此 字 从 古 文 貧 从 夏 省 聲 爾 雅 釋 詁 寡 罕 也 周 禮 小 司 徒 各 登 其 鄉 之 眾 寡 注 民 之 多 少 論 語 則 寡 尤 皇 疏 少 也 又 禮 記 曲 禮 自 稱 曰 寡 人 注 謙 也 坊 記 白 稱 其 君 曰 寡 君 注 猶 言 少 德 之 君 詩 思 齊 刑 子 寡 妻 傳 適 妻 也 轉 注 廣 雅 釋 詁 三 寡 猶 也 小 爾 雅 廣 義 凡 無 妻 無 夫 通 謂 之 寡 詩 鴻 雁 哀 此 鰥 寡 傳 偏 喪 曰 寡 禮 記 王 制 老 而 無 夫 者 謂 之 寡 左 襄 廿 七 傳 生 成 及 疆 而 寡 注 寡 特 也 又 成 十 三 傳 寡 我 襄 公 注 弱 也 假 借 為 顧 禮 記 緇 衣 故 君 子 寡 其 言 而 行 以 成 其 信 又 易 說 卦 巽 為 寡 髮 鄭 本 作 宣 聲 訓 釋 名 無 夫 曰 寡 寡 踈 也 踈 踈 單 獨 之 言 也 水 經 汝 水 注 賈 復 城 俗 語 謬 說 謂 之 寡 帝 城 古 韻 詩 鴻 雁 叶 羽 野 寡 小 宛 叶 扈 寡 豸 民 叶 茹 吐 甫 寡 禦 易 雜 卦 叶 故 旅 下 寡 處 三 畧 上 叶 寡 苦 虜 禦 周 書 大 明 武 叶 暑 處 賈 女 下 解 禦 武 主 檣 寡

而二名凡而之派皆衍而聲切

馬 西

覆也从門上下覆之按一指事讀若晉字與撫畧同

馬 賈

市也从貝西聲謂以財致物左昭廿九傳平子每歲買馬注賈也桓十傳若之何其以賈害也成二傳賈余餘勇注賈也晉語

馬 櫛

櫛也从木賈聲爾雅櫛大而散櫛小而散櫛注老乃皮粗散者為櫛小而皮粗散者為櫛字作櫛又栢山櫛注今之山櫛學記

馬 段

夏楚二物以夏為之左襄二傳穆姜使擇美櫛襄四傳樹六櫛于蒲圃哀十二傳櫛可材也別義爾雅又云櫛苦茶注樹小似梔子冬生葉可煮作羹飲今呼早采者為茶晚取者為茗一名苻蜀人名之苦茶按櫛非櫛梓之櫛茶亦非苦茶之茶皆同名異實也

段 一十一名凡段之派皆衍段聲

古雅切

馬 瑕

借也闕說文隸文部是也从又按字體疑从皮从二未詳其義古文从又从彳譚長說从端省从又

麻 瑕

又皆未詳晉士伯瑕楚陽子瑕皆名句鄭駟子瑕名乞皆以瑕為之左傳晉侯使瑕嘉平戎于王周禮典瑞注作段嘉釋文亦作假瑕玉小赤也从玉段聲子虛賦赤瑕駁犖注赤玉也蜀都賦江珠瑕英注玉屬也轉注考工弓人深瑕而澤按謂膠紋色深赤也

又漢書楊雄傳喻清雲之流瑕兮注謂日旁赤氣也今字作霞从雲省瑕省亦通字亦作瑕江賦壁立瑕駁注古霞字說文新附瑕赤色也瑕借為瘕禮記聘義瑕不揜瑜注玉之病也管子水地瑕適皆見

精也注瑕適玉病也老子善言無瑕論釋文疵過也左傳不汝疵瑕爾雅序剗其瑕礫釋文玉翳也廣雅釋詁二瑕葳也左宣十五傳瑾瑜匿瑕漢書路温舒傳以惡為之又為瑕南都賦駁瑕委地又為瑕

詩泉水不瑕有害傳遠也景北海神陰魂靈瑕顯又為惡狼跋德音不瑕傳過也又為遐實為瑕思齊烈假不瑕箋已也又為縛淮南精



馬 痕

詩伐木叶清酌鼓舞暇何草不黃  
叶虎野暇小曼叶除莫庶暇顧怒  
女病也从疒段聲別義腹積病素問大奇論三陽急為痕注太  
陽受寒血疑為痕氣厥論為虛痕又南山經麗磨之水多沛育  
佩之無痕疾  
注蟲病也

馬 假

非真也从人段聲墨子經上假今不然也詩小弁假寐永歎箋  
不脫冠衣而寐曰假寐史記項羽紀為假上將軍正義隔也漢  
書匈奴傳假命單于初立注猶言或當也假借為段廣雅釋詁二假  
借也禮記曲禮假爾大龜有常疏困也左隱十一年傳而假手於我  
寡人漢書龔遂傳遂適開倉廩假貧民文帝紀贊常假借納用焉周  
書皇門假余德憲管子四稱假寵鸞貴小問假而禮之公羊桓元傳  
其言以壁假之何易之也又為假爾雅釋詁假大也易萃王假有廟  
書偽禹謨不自滿假詩烈祖謨假無言儀禮士冠禮宜之于假禮記  
鄉飲酒義夏之為言假也禮運是為大假曾子問不旅不假方言一  
凡物之壯大者而愛偉之周鄭之閒謂之假又為退實亦為假列子  
黃帝而帝登假禮記曲禮天王登假淮南齊俗乘雲升假爾雅釋詁  
假已也史記六國表魏王假越絕書作歇又為假說文一曰至也虞  
書曰假于上下方言一假至也易家人王假有家書堯典假於上下  
詩雲漢昭假無羸禮記王制歸假于禰祖孔子閒居昭假遲遲注至

麻 假

也又為暇詩長發昭假遲遲箋假暇列子力命行假念死乎注當作  
何暇登樓賦聊假日以銷憂漢書薛宜朱博傳贊注假讀休假又為  
嘉詩假樂假樂君子維天之命假以溢我雖假哉皇考爾雅釋詁假  
嘉也又為痕詩思齊厲假不瑕箋病也唐公房碑作癘蠱不遐又為  
固詩王文假哉天命又為駕淮南主術假與馬者足不勞而致千里  
又為賈莊子山木子獨不聞假人之亡與李注假國名也非是廣雅  
釋詁三假歎也即交傷之傷又助語之詞詩維天之命假以溢我說  
文作誠左襄廿七傳作何以恤我又託名幪識字禮記檀弓公肩假  
古今人表作瑕舌韻儀禮士冠禮叶假甫楚  
詞招魂叶夜錯假賦故居大招叶假路慮  
瑕漢書翟方進傳與瑕緒連繫  
都亭下舌韻左定十四叶猪瑕

麻 𧈧

豕也从且下象其足讀若瑕  
按當為瑕之古文今系于此

麻 𧈧

馬赤白雜毛从馬段聲爾雅釋畜形白雜毛𧈧詩駟有駟有𧈧  
鬣訓說文又謂色似鰕魚也按鰕魚斑文此魚名與鱗大鰕之

鰕別然亦可云色似瑕玉也  
舌韻詩駟叶鰕魚祛邪徂



馬家宗人載師以家邑之田任稍地注家邑大夫之采地又獨斷天家百官小吏之所稱天子無外以天下為家故稱天家後漢馬融傳注三家三皇也又呂覽貴卒爭先入公家注公之朝也又漢書惠帝紀見蘭陵家人井中注家人言庶人之家按猶今言人家也又管子乘馬三夫為一家與周禮小司徒夫家與假借為賈莊子列禦寇單千金之家又左桓八傳家父古今人表作嘉舌韻詩桃天叶華家行露叶牙家鴟鴞叶据茶租瘡家采薇叶家居我行其野叶樗居家訪落叶下家左襄四傳叶家夫僖十五叶孤孤姑逋家虛

馮稼

禾之秀實為稼莖節為禾从禾家聲一曰稼家事也按以聲訓稟者也轉注詩伐檀不稼不穡傳種之曰稼收之曰穡大荒南經巫載民不稼不穡食也書洪範土爰稼穡周禮遂大夫簡稼器注耒耜鎡基之屬儀禮少牢禮宜稼于田古者后稷作稼又周禮司尊彝祿用學彝黃彝以學為之司農注稼彝畫禾稼也聲訓周禮序官司稼注種穀曰稼如嫁女以有所生古韻詩七月叶圃稼

馮幪

南郡蠻夷賓布从巾家聲後漢書廩君之巴氏歲輸幪布八丈女適人也从女家聲按家亦意爾雅釋詁嫁往也易序卦歸妹虞注嫁歸也儀禮喪服子嫁反注凡女行于大夫以上曰嫁行

馮嫁

于士庶人曰適人方言三女謂之嫁子注言往適人假借為賈西周策以嫁之齊也注賣也聲訓方言一自家而出謂之嫁由女家而出為家也白虎通嫁者家也婦人外成以出適人為家

馮學

古雅切

馮學

玉爵也夏曰琖殷曰斝周曰爵从巾从斗象形按从斗門象形與爵聲同音或說斝受六升按斝受一升詩行葦洗爵奠斝禮記禮運醴斝及尸君非禮也明堂位殷以斝郊特牲舉斝角疏天子曰斝諸侯曰角左昭七傳賂以瑤瑤玉積斝耳昭十七傳若我用權斝玉瓚假借為斝周禮量人與鬱人受斝歷而皆飲之鬱人與量人受舉斝之卒爵而飲之又為稼司尊彝祿用斝彝聲訓明堂位殷以斝注畫禾稼也按周禮斝先鄭讀為稼其他爵名之斝非必畫禾稼也古韻詩行葦叶御斝

馮十五名凡乍之派皆衍乍聲

鉏稼切

馮乍

止也一曰亡也从亡从一按止亡詞也从止一以礙之指事與万以礙之故以邕川毋以止姦弟以止米同意亡與止亡皆倉猝事故亦為倉猝之詞廣雅釋言乍暫也孟子今人乍見孺子左傳桓子乍謂林楚以辭為之又蒼頡篇乍兩辭也未詳其義兩疑止网

二字

藥 迨

迨也从彡乍聲後漢陳忠傳共相壓迨文選歎逝賦注引聲類

借為作說文迨迨迨起也从彡作省聲按迨迨意取之乍起意取

馮 詐

詐欺也从言乍聲爾雅釋詁詐偽也方言三膠謔詐也詐通語也

窮則詐公羊哀九傳詐之也注謂陷奇伏之類呂覽義賞繁戰之

君不足于詐注謂詭變而用奇也務本無功伐而求榮富詐也注以

虛取之為詐假借為作公羊僖三十三傳詐戰不日注詐卒也齊人

遇 胙

胙祭福肉也从肉乍聲周禮以胙膳之禮親兄弟之國先神錫福

同受之意爾雅釋天夏曰復胙左僖九傳王使宰孔賜齊侯胙

僖四傳歸胙於公周禮膳夫徹王之胙俎注主人飲食之俎皆為胙

俎管子小問祝鳧已疵獻胙轉注周語永錫胙允注胙福也胙以天

下注祿也齊語反胙于絳注賜也又位也左襄十四傳世胙太師注

報也隱八傳胙之士而命之氏字亦作祚詩既醉永錫胙允釋文本

藥 笮

笮迫也在瓦之下笮上从竹乍聲按屋上薄也一名笮如今之蘆

簾段借為迨漢書王莽傳迫笮青徐盜賊後漢耿恭傳笮馬糞

汁而飲之注謂壓笮也廣雅釋詁二笮盪也詩爾無正箋其笮且

危急又為鑿魯語其次用鑽笮注駮刑也長笛賦刻鏤鑽笮別義儀

禮既夕甲冑干笮注矢箠也周禮司兵注作笮又廣雅釋室格謂之

笮賢訓說文笮迫也釋名釋官室笮迨也編竹相聯迫迨也釋兵受

矢之器織竹曰笮相迫笮之名也

藥 餽

餽楚人相謁食麥曰餽从食乍聲方言一餽食也相謁

藥 柞

柞木也从木乍聲水經河水注吳越之間名柞為樾西山經大

藥 昨

陶氏以五柳立稱字亦作柞楊雄傳振師五柞又水經若水注柞夷也蜀曰邛漢嘉越嵩曰柞皆夷種也舌韻詩載芟叶柞澤壘日也按案日从日柞聲蒼頡篇隔日也爾雅釋天夏曰復昨釋文本作柞又作柞假借為醋周禮司几筵昨席莞筵紛純司尊彝諸臣之所昨也

藥 昨

昨 禾搖兒从禾 昨聲讀若昨

藥 遇箇 作

起也从人从乍按乍聲易離明兩作書無逸作其卽位詩無衣與子偕作周禮鄙師凡作民考工記或作而行之儀禮特牲禮三獻作止爵禮記禮運後聖有作左襄廿三傳而後作焉論語舍瑟而作孟子天油然作雲又爾雅釋言作爲也易益利用爲大作書舜典汝作司徒周書太子晉士率眾時作謂之曰作詩下武世德作求常武王舒保作箋行也周禮羅氏蜡則作羅儒注猶用也又儀禮鄉飲酒禮作相爲司正注使也禮記哀公問作色而對注猶變也書序汨作傳與也又廣雅釋詁一始也詩駟思馬斯作又生也詩天作高山又長也老子未知北牡之合而全作又書大傳五作十道注五教也段借爲詛詩蕩侯作侯祝又爲斲禮記內則魚曰作之又爲鑿郊特牲作龜繭官周禮太卜則眠高作龜又爲詐禮記月令毋或作爲注今爲詐僞又爲柞周禮稻人以涉揚其芟作田注猶治也又爲化

藥 昨

孟子聞文王作與此形體之誤又疊韻連語爾雅釋天太歲在酉曰作噩李注作鄂皆物芒枝起之貌孫注作愕者物落而枝起之見淮南天文注作鄂零落也萬物皆落舌韻詩緇衣叶蕭作無衣叶澤戟作鴻雁叶澤作宅馴叶駱維釋斲作闕宮叶柏度尺鳥碩奕作若那叶斲奕客憚昔作夕恪采薇叶莫故易解叶作圻老子元符叶螯據捕固作囁荀子勸學叶蠹作管子度地叶沙作慙也从心作省聲按乍聲禮記曲禮容無作祭義孝子臨尸而太元上階天不慙假借爲作曲禮容無作注顏色變也管子弟子職顏色毋作注謂變其容兒又爲詐論語其言之不作舌韻禮記曲禮叶席

遇 昨

主階也从阜乍聲从阜者與階除同意儀禮鄉射禮席主人於昨階上注東階也禮記冠義故冠以昨字亦作昨祝睦碑踐昨州郡廣雅釋詁三昨主也按天子踐昨臨祭祀故國運曰昨昨位也今字亦作昨假借爲昨儀禮特牲禮祝命徹昨俎聲訓儀禮士冠禮注昨猶昨也東階

所以答酢賓客也

藥 遇 酢

醖也从酉乍聲亦曰載經傳多借爲酬酢字今酢醋二字互譌如種種之比假借爲醋爾雅釋詁酢報也蒼頡篇客報主人曰

醉廣雅釋詁一醉樂也又託名標識字方言五甌自關而東謂之醉  
韶言韻詩楚茨叶踏碩炙莫客錯度獲格酢瓠葉叶炙醉行葦叶席

醉炙  
醉號

詐

慙語也从言作聲論語  
其言之不詐以詐為之

藥

筴也从竹作聲竹索也今之密纜假借為筴周禮典同侈聲  
籜筴也

名引舟者曰筴筴作  
也起舟使動行也

巴九名凡巴之派皆衍巴聲

伯家切

麻

巴 巴蟲也或曰食象蛇象形海內南經巴蛇食象三歲而出其骨  
注說者云長千尋又海內經朱卷之國有黑蛇青首食象注即

巴蛇也假借疊韻連語漢書司馬相如傳諸柘巴且注一名巴蕉字  
亦作蕓張揖注蕓蕓蕓也又託名標識字海內經西南有巴國注

今三巴是史記張儀傳稱葑蜀同周書王會巴人以此翼鳥注巴人  
在南者荀子疆國秦西有巴戎注巴在西南戎在西皆隸屬蜀都賦

其中有巴菽巴戟注巴戟巴戟天也字亦作芭史記張儀傳注益州  
天苴讀為芭黎索隱芭黎即織木苴為葦籬也今江南亦謂葦籬曰

芭籬按舊俗謂之籬芭古  
韻楚詞大招叶酪蕓薄澤

禡

鞞 鞞革也从革巴聲按鞞首革漢書王  
褒傳王良執鞞吳都賦迴鞞乎行睨

禡

杷 收麥器从木巴聲耜之屬方言五杷宋魏之閒謂之渠挈或謂  
之渠疏注無齒為杷字亦作扒作捌八別巴一聲之轉漢書貢

禹傳揅中杷土注手揅之也揅耜為杷釋名釋樂器引手卻曰杷按  
即今琵琶字當作把把又雙聲連語說文枇篆解杷把木也聲訓釋

名釋用器把播也所以  
播除物也把播雙聲

麻

杷 艸華之白也外白巴聲靈樞經紛紛杷杷終而復  
始亦重言形况字字亦作藪廣雅釋草藪華也

禡

犯 犯豕也从豕巴聲一曰二歲能相把拳也孫氏星衍栞宋本作  
一歲詩騶虞壹發五犯吉日發彼小犯周禮六司馬小禽私之

司農注二歲為犯禮記射義注獸  
歲曰犯舌韻詩騶虞叶葭犯乎虞

馬

把 握也外手巴聲廣雅釋詁三持也孟子拱把之桐梓注以一手  
把之也莊子人閒世其拱把而上者司馬注一手曰把禮記曲

禮注附把中釋文手執處也楚辭東皇太一盍將把兮瓊芳淮南繆  
稱無把之枝漢書張敞傳把其宿負射雉賦戾翳旋把舌韻管子度

地叶把  
舖女野

麻 鈚

兵車也。一曰鐵也。司馬法：晨夜內鈚車。从金巴聲。按：兵車或施今正。鐵固之取其堅緻。別義：方言九凡箭其廣長而薄，鎌謂之鉞。或謂之鈚。箭廣雅。

釋器鈚鎗也

馬 祀

搥擊也。从巴帝闕。按：字當从帝巴聲。卽今琵琶字。據神記：謂琵琶如磬，磬則語之轉。

麻 葩

華也。从艸肥聲。按：謂粲之麗采。美盛聲類。葩取其盛兒也。琴賦：若眾葩敷榮曜春風。注：古本葩字爲花兒。西京賦：吐葩颺榮。思元賦：百卉含葩。轉注字亦作芭。楚辭：招魂傳：芭兮代舞。注：巫所持香艸名也。漢書：有侯芭。又思元賦：蟻瑠與而樹葩兮。注：蓋之金華也。東京賦：葩瑤曲莖。注：葩瓜。悉以金作華形莖皆曲。假借疊韻。連語海賦：葩華踞注。注：分散也。

馬五名凡馬之派皆衍馬聲

馬 駟

莫下切

馬 駟

馬也。周禮：廋人馬八尺以上爲龍，七尺以上爲駟，鬣尾四足之形。橫視之，肖小篆當作駟。上出之，其鬣也。古文亦象形。無鬣籀文同。古文象形有鬣。漢書：石建奏：事下建讀之曰：誤書。

馬字與尾當五今乃四不足一上謹死矣新序：禊事騁騮綠驥天下之俊馬也。春秋考異郵：地主月精爲馬。大戴記：易本命：月主馬十二月而生。洪範五行傳：馬者兵象，白虎通：封公侯馬。陽物易說：卦乾爲良馬爲老馬爲瘠馬爲駁馬。爾雅：釋畜：首馬屬周禮：馬質禁原蠶者。注：天文辰爲馬，蠶爲龍，精月值大火則浴，其種是蠶與馬同氣。按：辰言房星天駟也。故曰辰爲馬。又周官大司馬：史記：趙世家：賜號爲馬服。正義：引虞喜志：林馬兵之首也。又賈子等齊天子諸侯宮門曰司馬。轉注：莊子：逍遙游野馬也。崔注：天地間遊氣如野馬，馳也。又禮記：投壺請爲勝者立馬。注：馬勝算也。謂之馬者，若云技藝如此，任爲將帥乘馬也。又景福殿賦：承以陽馬。注：四阿長桁也。又說文：桓行馬也。今俗謂之擡眾。又爾雅：莽馬，帶蓬蓿，馬尾廣雅：馬尾，蕭蓬也。馬唐馬飯也。馬帶，屈馬第也。字書有馬腦石。次王者，或取形，或取意。假借爲罵。廣雅：釋詁：三馬罵也。又託名標識字。爾雅：釋草：馬藍，卽染青草。馬舄，卽車前。蘇馬，卽羊齒。廣雅：釋草：馬莧，卽馬齒。莧馬，辛卽靡草。馬先，卽茵陳。馬牀，卽地牀。馬蓼，卽水荏。馬籬，卽荔挺。爾雅：釋蟲：馬蠋，卽大蟬。方言：十一馬，蛇其大者，謂之馬。地淮南：脩務馬，蠶也。管子：地員黑鷲，馬夫注：草名。楚辭：怨世馬蘭，踈踈而日加。注：惡草。大都物之大者，謂之馬。亦謂之牛，或謂之王也。又水經：巨馬水，注：馬邑。川俗謂之磨川。聲相近。聲訓：說文：馬怒也。武也。周禮：目錄：馬者武也。言爲武者也。管子：形勢解：馬者所乘以行野也。古韻詩：漢廣叶楚馬叔于田。

叶野馬武大叔于田叶馬組舞舉虎所女東山叶羽馬吉日叶午馬  
慶所采菽叶管予馬繡卷阿叶車馬楚詞離騷叶下字佇如馬女管  
子七臣七主叶庶馬斧菽  
子徐无鬼叶御馬野塗

禡

禡 師行所止恐有慢其神下而祀之曰禡从示馬聲禮記王制禡  
禡于所征之地詩皇矣是類是禡傳於野曰禡桓序講武類禡也

周禮大司馬有司表貉以貉為之或曰祭造軍法者聲訓肆師祭表  
祭注讀為十百之百疏名此祭為百者以其取應十得百為十倍之

義詩桓序疏貉之言百祭祀此神求獲百倍  
漢書敘傳禡者馬也轉音詩皇矣叶禡附侮

禡

禡 存駢健為縣从邑馬聲在  
今四川敘州府治西南

禡

禡 目病一曰惡气著身也一曰蝕創  
从疒馬聲廣雅釋詁一禡創也

禡

罵 詈也从网馬聲字亦作罵漢書賈誼傳答馬弃  
市之法聲訓釋名罵迫也以惡言被迫人也

瓜 十六名凡瓜之派皆衍瓜聲

古華切

麻

瓜 瓜也象形按蘇也滕生布于地外象其蔓中象其實易頤以杞  
苞瓜虞注乾圓稱瓜續漢五行志瓜者外延離本而實詩絲絲

縣瓜陔傳瓜紹也禮記玉藻瓜祭上環月合王瓜生注王瓜葷擊也  
詩木瓜傳木瓜楸木也可食之木轉注後漢董卓傳注瓜者蓋弓頭

為瓜形也段借論語瓜祭必齊如也鄭注魯讀為必按謂形近而  
譌舌韻詩七月叶瓜壺直擣夫木瓜叶瓜据信南山叶廬瓜蒞

虞

苽 離苽一名蔣从艸瓜聲按蔣也其米離胡俗名苽中臺如小兒  
臂曰苽手可食其根亦曰苽字亦作苽周禮食醫禮記內則有

苽食楚辭大招設苽梁只注苽梁蔣實漢書司馬相如傳蓮藕苽盧  
淮南詮言苽飯犒牛弗能甘也天文大早苽封燠江賦泛之以遊苽

段借為苽風俗通聲音苽吹鞭也苽者撫也  
言其節撫威儀又為孤校官碑履苽竹之廉

虞

呱 小兒嗁聲从口瓜聲詩生民斥稷呱矣廣雅釋訓呱呱號也書  
益稷啟呱呱而泣亦重言形容况字舌韻詩生民叶去呱訐路

虞

觚 鄉飲酒之爵也十日觴受三升者謂之觚从角瓜聲按禮飲爵  
也儀禮特牲禮記二觚注爵一升觚二升觶三升角四升散五

升考工梓人觚三升注觚當為解論語觚不觚馬注禮器也按凡爵  
觚觶角散實之以行酒皆曰觴大戴記曾子事父母執觴觶杯豆而

不醉儀禮燕禮坐取觚洗又賚洗南坐奠觚段借為枏史記酷吏傳  
破觚而為圖索隱觚八稜有隅者漢書注觚方也莊子大宗師其觚

而不堅也崔注稜也西都賦上觚稜而棲金爵太元大自削以觚注  
法也文賦或操觚以率爾注木之方者古人用之以書猶今之簡也

按若今書童所用粉板既書可拭去再書者或六面或八面有稜角即孔子所歎也又為把淮南主術操其舩招其末注劍拊又為孤爾雅釋地舩竹莊子大宗師王注舩特立不羣也又為菰漢書司馬相如傳蓮藕舩盧注舩盧扈魯也疊韻連語馨訓韓詩說二升曰舩舩寡也飲當寡少

虞 栝

栝也。从木瓜聲。又栝椽殿堂上最高之處也。凡木四方有隅為栝。椽入椽為栝。故殿堂上最高之處曰栝。椽史記破舩西京賦上

舩椽以舩為之。又莊子養生主而况大軻乎。崔注軻繫結骨字亦作軻。

麻 窠

窠。汚衰下也。从穴夬聲。按窠汚疊韻連語廣雅釋詁一窠下也。史記汚邪滿車汚邪亦疊韻連語謂下地田邪窠者也。吳都賦

窠隆異等長笛賦窠隆詭戾漢書禮樂志宵窠桂華江賦沔淪滾注不平之兒亦雙聲連語字亦作窠。又作佻周禮形方氏注正之使不佻邪離絕疏佻者兩頭寬

中狹邪者一頭寬一頭狹

虞 罟

罟。魚罟也。从网瓜聲。詩碩人施罟濊濊魯語水虞於是乎講罟罟吳都賦同罟共羅淮南說山好魚者先其罟與罟注罟大綱又

說林罟者扣舟注罟者以柴積水中以取魚魚聞擊舟聲藏柴下壅而取之駿按此罟字形體之誤與罟不涉非罟字或作罟也

虞 狐

狐。獸也。鬼所乘之有三德。其色中和。小前大後。死則却首。从犬瓜聲。輔行記狐一名野干。多疑善聽。漢書文帝紀除狐疑。注狐

性多疑。每渡冰河且聽且渡。故言疑者稱狐。疑易未濟小狐汔濟虞注狐獸之長尾者也。解田獲三狐。注狐隱伏之物。說苑善說狐者人之所攻也。詩七月取彼狐貍。假借為狐。廣雅短狐。蟻也。按能含沙射人亦名射工。又託名標識。字方言十一。螭蛤注六足四翼蟲也。江東

名為狐。黎又晉語令狐文子注。令狐晉邑名。按在今山西蒲州府猗氏縣。西又古今人表狐鷹左哀十五傳作孟史記弟子傳作壺古韻詩北風叶狐鳥車何草不黃叶狐車左僖十五叶去餘狐

麻 奈

奈。大也。从大瓜聲。

虞 派

派。水起雁門。凌入成夫山。東北入海。从水瓜聲。按字亦作滹。即

亦作成。夫山亦名派。阜山有大派山。小派山之別。其地左傳謂之霍人。

虞 弧

弧。木弓也。从弓瓜聲。十日往體寡來體多。曰弧。易繫傳弦木為弧。鄭語屢弧箕服。漢書韓安國傳弧弓。舩獵蓋弓之不傳以角者

其體直而微紆。故角弓之往體寡來體多者亦曰弧。周禮司弓矢王弓。弧弓又為弓之通稱。儀禮大射儀注采其有弧矢之威。魏都賦燕

孤盈庫而委勁注弓也轉注楚辭守志毅天孤兮歟姦西京賦孤旌  
枉矢按孤矢九星在天狼一巨星之左形似張弓發矢故以為名又  
禮記明堂位載孤鞬疏以竹為之其形為弓以張縵之幅又周禮冥  
氏掌設孤張注置琴之屬所以冒肩禽獸假借為容考工輪人凡揉  
輪欲其孫而無孤深杜注讀為汙廣雅釋詁四孤盤也鹽鐵論非鞅  
篇孤刺之鑿按非刺之意楚辭謬諫正法孤而不公注戾也又易睽  
後說之孤京馬鄭王翟本皆作壺聲訓說苑修文孤之言豫也又史  
記律書孤者言萬物之吳落舌韻易睽叶孤塗車孤左僖十五叶孤  
家虛

虞孤

孤 無父也从子瓜聲禮記深衣如孤子注三十以下無父稱孤廣  
雅釋詁三孤獨也周禮外饗邦饗者老孤子周語司民協孤終  
寡婦賦少伶僇而偏孤兮又左哀廿七傳陳成子屬孤子三日朝舊  
注死事者之子孫轉注禮記曲禮自稱曰孤呂覽君守君名孤寡注  
人君之謙稱又書僖周官曰三孤傳特也後漢城陽恭王祉傳注孤  
者特也卑于公尊于卿故曰孤周禮掌次孤卿有邦事注王之孤三  
人副三公論道者又周書周祝國孤國屠注孤謂無人又東京賦由  
余以西戎孤臣注謂孤陋之臣也漢書終軍傳注孤遠也又後漢明  
德馬皇后紀注孤負也蓋背恩之意又書禹貢嶧陽孤桐史記老莊  
申韓傳雖欲為孤豚索隱小也特也又後漢方術傳孤虛注謂六甲

之孤辰假借為願易睽孤遇元夫虞注孤顧也又為辜按吳語以心  
孤句踐注孤棄也又疊韻連語後漢南匈奴傳注謂子為孤屠又託  
名標識字東京賦孤竹之管薛注國名出竹按周禮大司樂注非是  
孤竹孫竹陰竹當與龍門等皆為地名聲訓釋名無父曰孤孤顧也  
顧望無所瞻見也史記始皇紀攻龍孤慶都正義孤都聲相近水經  
瀨水注世以山不連陵曰孤山孤都聲近疑即所謂都山也古韻易  
睽叶孤夫又叶孤塗車孤禮月令叶  
芽孤左僖十五叶孤孤姑逋家虛

虞菰

菰 艸多兒从艸孤聲大篆从艸江夏平春有菰亭  
按此字即菰之誤文說文重出姑附于此宜剛

虞菰

菰 吹鞭也从竹孤聲以菰為之急就章菰菰起居課後先宋書樂  
志吹小菰大菰以菰為之別義南都賦篠籥菰箏注菰箏二竹  
名或曰竹名當為本訓吹  
鞭則菰之轉注也存參

虞瓜

瓜 本不勝末微弱也从二瓜會意讀  
若庚按瓜亦聲謂一蔓二瓜也

虞窳

窳 汚穢也从宀瓜聲按瓜亦意窳方有窳渾縣按倚下低陷引申  
為病弱懶惰之意字亦作窳一切經音義引承慶字說窳懶人  
不能自起瓜窳在地不能自立故字从瓜又窳人恒在室中故从宀

虞窳

窳 史記五帝紀皆不苦窳貨殖傳以故皆窳集解病也漢書地理志注  
豫部弟九

寐慵也又弱也詩召旻傳訛訛寐不供事也釋文本作眾按眾寐形近本作从穴也荀子議兵械用兵革寐櫛不便利者弱注器病也字正作寐轉注長笛賦寐圖寘被注寐圖聲下兒段借為瑜西京賦批寐後注寐寐也類彖虎

### 豫之澤分部

各三十七名凡各之派皆衍各聲

古洛切

藥各各

異詞也从口久會意久者有行而止之不相聽也廣雅釋詁四各詞也詩載馳疏亦各不一之辭

陌茗茗

茗艸也从艸各聲按爾雅釋草茗山蔥北山經邊春之山多蔥注山蔥名茗後漢馬融傳以格為之

遇路路

道也从足从各按各聲爾雅釋宮途也又道也又一達謂之道路又周禮遂人澮上有道川上有路注徑眇涂道路皆所以通

車徒于國都也路容三軌詩遵大路兮易說卦艮為徑路轉注周官典路注路王所乘車引書顧命大路賡路先路次路巾車王之五路王路金路象路革路木路釋名釋車謂之路者言行于道路也詩汾沮洳殊異乎公路箋公路主君之耗車又荀子哀公綽而乘路注路王者之車亦車之通名段借為奕或為碩爾雅釋詁路大也詩生民厥聲載路皇矣串夷載路傳大也考工匠人路門不容乘車之五個

注路門者大寢之門周禮宮人注路寢一疏路大也人君所居皆曰路詩闕宮路寢孔碩傳正也白虎通車旂路大也正道也又為裸荀子議兵路禮者也注暴露也又為柷周禮鼓人以路鼓鼓鬼享注四面鼓也又為羸詩皇矣串夷載路釋文瘠也孟子是率天下而路也注羸路又為客管子四時國家乃路注失其常居也楚辭怨世路室女之力桑兮注客舍也又為道之誤字王氏引之云詩遵大路次章當作道又託名幪識字古今人表曹靖公路春秋定八作露聲訓釋名道踏也路露也言人所踐踏而露見也古韻詩大路叶路祛惡故汾沮洳叶迦莫度路在民叶去呱訃路皇矣叶楮柘路固楚詞離騷叶路步九辨叶錯路御去舉大招叶假路慮素問陰陽應象論叶下女路調經論叶路寫離合真邪論叶處度候路忤布故處寫韓非大體叶路澤

陌詬詬

論訟也从言各聲按各亦意假借為搭莊子人閒世若唯無詬崔注逆擊也又重言形况字說文引傳曰詬詬孔子容按禮記

玉藻言容詬詬注教令嚴也調軍旅之容又廣雅釋詁詬詬語也

藥鞞鞞

生革可以為縷束也从革各聲

藥略略

眇也从目各聲

藥 雉

鷓鴣也。从隹各聲。怪鷓。假託名。標識字。詩：駟有騶，有雉。傳：黑身白鬣曰雉。又周禮：職方氏：豫州其川熒雉。按雉水出今陝西

西安府雒南縣冢嶺山至河南河南府鞏縣東北入河與渭洛之洛別。魏黃初以前伊雉字皆作雉。史記：夏本紀：浮于雒，東過雒，兩周禮

天官序官注：太保朝至于雉，攻位于雉。納漢石經：今陰作大邑于茲。雉今書皆以洛為之。周禮內司服注：伊雉而南。今爾雅亦以洛為之。

易王肅本：雉出書左桓二傳，乃營雉。邑詩：清廟序既成，雉邑。周禮：天官注：使居雉，邑治天下。陸氏德明曰：洛字从水，後漢都洛陽，以火德

為水，尅故改各旁，隹其說非也。鷓舊尤為不祥字，又古今人表：大雉。史記作駱，雉陶尸子作雄，鷓訓廣雅：釋水洛驛也。春秋說題辭：洛之

為言釋也。釋其耀也。言水釋釋光耀也。亦皆以洛為之。古韻：駟叶駱，雉釋駟作

藥 鷓

鷓，鳥。穆天子傳有較者鷓。

馮 駱

駱，禽獸之骨曰駱。从骨各聲。儀禮：少牢禮：膊駱注：股骨有司徹。羊骨也。轉注禮記：月令：掩骼埋胔。注：胔，骨枯曰駱。肉腐曰胔。字亦作駱。假

借為格。吳都賦：萬萬笑而被駱。又為碩。漢書：陳湯傳：掩駱集注：駱大也。又按駱本訓當為骨人畜之通稱。少牢：膊駱。月令：掩駱。是本字。有

司徹。羊駱。禘記注：下駱皆借為駱。有司徹。古文本作駱也。解嘲折脅

藥 胛

拉駱注：骨也。字林：駱，腰骨也。素問：長刺節論：刺兩駱。膠注：脊骨字。又作駱。作駱。禮記：深衣：胛之高，下可以連肘。俗字作駱。廣雅：釋器：胛，袖也。段

借託名。標識字。廣雅：釋器：胛，衣也。又為駱。儀禮：有司徹：肩臂，肱。胛，肱也。按此言羊豕胛，下肉猶肩臂本以稱人，移以言畜也。當為本

字。或以駱為之。段借字也。駱骨也。說文：訓禽獸之骨曰駱。泥于禮經之言：羊駱耳。

陌 格

枝格也。从丰各聲。聲：遮禦之意。

陌 脩

骨色之名也。从角各聲。按骨角無肉。禮記：樂記：角脩。生注：無髀。日脩。淮南原道注：脩，麋角也。淮南主術：桀之力制脩。伸鈎。東山

經其神皆獸身。人而戴脩。史記：司馬相如傳：儀雙脩。共抵之獸。轉注：方言：五鈎。宋楚陳魏之間，謂之鹿脩。

藥 答

答，答也。从竹各聲。一各，豆箎字。林答，杯籠也。轉注：廣雅：釋詁：三答，束也。今籠絡字，以絡為之。

藥 格

木長，見从木各聲。上林賦：天矯枝格。庾信：小園賦：草樹混淆，枝格相交。轉注：廣雅：釋室：落地也。按今謂之籬。芭，蒼頡篇：格，樛架

也。又史記：酷吏傳：置伯格。長徐廣曰：古村落字，亦作格。又方言：五絡，謂之格。按絡絲具。吾蘇謂之籠頭。以上三義，皆枝格相交之意。字亦

作落作落又孟子惟大人為能格若心之非注正也禮記學記則扞  
 格而不勝公羊莊三十一傳注諸侯交裕而戰者疏猶拒也素問四  
 氣調神大論是謂內格史記李斯傳而嚴家無格虜者索隱強扞也  
 又後漢梁冀傳注塞有四采塞白乘五是也至五即格不得行故謂  
 之格五假借為密論語有恥且格集解正也非又為度蒼頡篇格量  
 度也按大學致知在格物淮南兵略射儀度不得則格的之不中注格  
 射之槩質也後漢傅燮傳注格猶標準也又禮記緇衣言有物而行  
 有格注舊法也家語五儀口不吐訓格之言又為格周書武稱窮寇  
 不格注門也荀子議兵格者不舍後漢陳寵傳注格擊也淮南覽冥  
 身枕格而死注榜楚也字亦作或又為客後漢鍾離意傳注格拘執  
 也又呂覽過理肉圃為格注格以銅為之布火其下以人置上人爛  
 墮火而死字亦作烙又為竿周書作維復格藻祝孔晁注復格累芝  
 柄也按即廣雅格謂之竿構櫨也又為閣小爾雅廣詰格止也史記  
 梁孝王世家實太后被格索隱故閣也漢書淮南王安傳格明詔注  
 謂被閣不行之又為假字亦作格爾雅釋詁格至也又陞也釋言格  
 來也方言一格至也又格登也二格來也書堯典格于上下詩抑神  
 之格思傳至也書舜典格汝舜詩楚茨神保是格傳來也書呂刑庶  
 有格命鄭注登也詩那湯孫奏假箋升也又託名標識字爾雅太歲  
 在寅曰攝提格淮南天文注格起也言萬物承陽而起也又重言形  
 况字爾雅釋詁格格舉也古韻詩楚茨叶踏碩炙莫客錯度獲格酢

抑叶格度射爾雅釋  
 天叶格闕噩落若

遇賂

陌客

賂遺也从貝各聲詩泮水大賂南金晉語驪姬賂二五吳  
 都賦其琛賂則琨瑤之阜劉注貨也古韻晉語叶詐賂  
 寄也从宀各聲按字與佞為對文佞今作住經傳皆以主為之  
 禮記曲禮主人敬客則先拜客按客小於賓周禮大行人掌大  
 賓之禮及大客之儀司儀諸侯諸伯諸子諸男之相為賓也又諸公  
 之臣相為國客象胥詔相國客之禮儀注謂諸侯使臣若散文則賓  
 客亦通稱禮記祭義濟濟者客也釋文賓客也家語曲禮子夏問濟  
 濟者客也遠也論語居不客釋文本作容禮記少儀客爵居左左襄  
 廿七傳趙孟為客呂覽自知終座以為上客轉注禮記月令注為客  
 不利疏起兵伐人者謂之客又素問陰陽類論後至為客玉機真藏  
 論今風寒客於人古韻詩自駒叶藿夕客楚茨叶踏碩炙莫客錯度  
 獲格酢那叶敦奕客懌昔作夕恪易繫詞叶析客楚詞哀郢叶蹠客

釋薄

陌額

額類也外頁各聲字亦作額漢書景武昭宣元成功臣表龍額衛  
 不休息之意警訓釋名額鄂也  
 有垠鄂也故幽州人謂之鄂也

藥 貉

貉 北方豸種从豸各聲按北狄名字亦作貉作貉周禮職方氏七

胡貉索隱即濊也海內西經貉國在漢水東北詩韓奕其追其貉又

釋名釋飲食貉炙全體炙之各自以刀割出於胡貉之為也段借為

貉列子湯問貉踰汶釋文似狐善睡獸也爾雅釋獸注今江東呼貉

為狹狻後漢列女傳注貉大如驢狀頗似熊詩七月一之日于貉論

語與衣狐貉者立字亦作貉雪賦御狐貉之兼衣字亦作貉仲山經

扶豬之山有獸焉其狀如貉注或作據古字又為禡周禮肆師祭表

貉注師祭也旬祝喪貉之祝號又為禡爾雅釋詁貉定也又靜也詩

皇矣貉其德音箋德正應和曰貉亦作貉左傳作莫又為貉實為貉

廣雅釋詁二貉健也以形近而誤又為貉爾雅釋詁貉綸也聲訓說

文引孔子曰貉之為言惡也白虎通禮樂言貉舉惡也又詩桓序類

禡疏貉之言百祭祀此神求獲百倍音韻詩七月

叶獲穉貉韓奕叶猶伯壑籍闕宮叶釋宅猶諾

鬣假借疊韻連語漢書王莽傳駱駝道路注言不絕洞簫賦或漫衍

而駱駝谷注相連延兒舞賦駱漠而歸注奔馳之兒又託名標識字

後漢馬援傳注駱者越別名古韻詩皇華叶駱

若度裳裳者華叶白駱若駟叶駱維釋駁作

藥 鼯

鼯鼠出胡地皮可

藥 洛

洛水出左馮翊歸德北夷界中東南入渭从水各聲錯本雒州

藥 貉

浸也按洛出今甘肅慶陽府合水縣北自於山經洛川縣合澧

藥 貉

水亦名澧水經耀州合漆水至同州府朝邑縣入渭今不入渭徑入

藥 貉

河此與豫州之雒川別又按洛之下流古稱漆沮水禹貢導渭又東

藥 貉

過漆沮是也與涇西之漆沮別周禮職方氏雍州其浸渭洛詩瞻彼

藥 貉

洛矣段借為雒爾雅釋水洛為波孝經援神契入方之廣周洛為中

藥 貉

謂之洛邑廣雅釋水洛驛也又為洛楚辭憫上冰凍兮洛澤注洛竭

藥 閣

也爾雅所以止扉謂之閣今本誤作閤又棧長者謂之閣廣雅

藥 零

雨霽也从雨各聲今以零落字為之廣雅釋

藥 鮪

鮪者川江中有之呼鮪子魚亦名鮪魚其大者曰王鮪字林以鮪

為當鮪以鮪為鮪

鮪蓋二字互誤

藥閣

釋詁三閣止也轉注左傳高其閣按兩扉中之闌亦名閣今本亦誤作閣又禮記內則大夫七十而有閣注以板為之度食物檀弓其餘閣也與疏架橙之屬廣雅釋詁二閣載也釋詁三閣妓也釋室閣廚也又史記高祖紀棧道崔浩去險絕之處傍鑿山巖而施板梁為閣又後漢張衡傳閣道注絕漢抵管室曰閣道按紫微垣閣道入星斜穿天河三近奎五近策在北斗之上又文選陸機詩絜身躋秘閣注祕書省亦為祕閣按即尙書省也又古詩阿閣三重階注閣有四阿謂之阿閣又凡止而不行皆謂之閣段借重言形况字詩斯干約之閣閣傳猶厯厯也考工匠人注作格格同又今俗誤用為閤閤字聲義俱隔舌韻詩斯干叶閣橐

藥零

藥

陌格

擊也从手各聲後漢書第格酪烈之痛字亦作攷廣雅釋詁三攷擊也凡格殺格鬥字史書多以格為之假借為格管子地員乾而不格注謂堅禦也

藥絡

紮也从糸各聲按纏束之意今本說文作紮也誤廣雅釋詁四絡纏也釋器縷也字亦作緊廣雅釋詁二緊紮也轉注論語摘輔象地典受州絡注維緒也海內經有九邱以水絡之注猶繞也楚辭招魂鄭歸絡些注縛也漢書楊雄傳絡天地西京賦衍地絡注綱也又素問三部九候論治其經絡靈樞經經脈為裏支而橫者為絡又方言四絡頭頓頭也廣雅釋器絡頭頓頭也又釋名釋兵盾以

陌塔

藥略

縫編版謂之木絡別義說文一曰麻未漚也又廣雅釋器絡綃也假借為答西都賦籠山絡野又為露淮南覽冥黃雲絡注絡讀道路之路謂車之垂路也又疊韻連語蜀都賦尉繚絡幕劉注施張兒也後漢馬融傳注絡縠張羅兒舌韻楚詞招魂呼居

楚辭九思冰凍兮塔澤亦疊韻連語俗字作洛澤經略土地也外田各聲書禹貢岬夷既略傳用功少曰略左傳天子經略諸侯正封凡經界曰略小爾雅廣略畧也又取也廣言行也又求也廣雅釋詁主略治也左隱五傳吾將略地焉莊廿一傳與之或公之略宣十五傳以略狄土又淮南脩務誦詩書者期於通道略物注達也七發雖有心略辭給注智也漢書司馬相如傳觀士大夫之勤略注智略也選注訓巡行轉注廣雅釋詁一略瀟也左定四傳吾子欲復文武之略注道也成二傳侵敗王略注經略法度又方言二就室曰搜於略略強取也左襄四傳季孫曰略注不以道取為略淮南兵略會金玉之略注獲得也齊語犧牲不略注奪也晉語略則行志注犯也又廣雅釋言略要也孟子嘗聞其略也注麓也公羊哀五傳略也借靈光殿賦鴻荒朴略注野略也管子侈靡略近臣注借靈光殿賦鴻荒朴略注野略也管

藥

藥

藥

藥

藥

藥

傳利也又為路書為略也借靈光殿賦鴻荒朴略注野略也管子侈靡略近臣注借靈光殿賦鴻荒朴略注野略也管雅釋蟲蜂游渠略字亦借靈光殿賦鴻荒朴略注野略也管

藥 銛

銛 鬚也。从金各聲。俗字作劓。作劓。俗。會。

遇 輅

輅 車輪前橫木也。从車各聲。按人挽之車。施輅與駕牛馬者不同。儀禮既夕。當前輅注。輅縛所以屬引。史記劉敬傳。脫輅索。隱。

鹿車前橫木。解嘲。妻敬委輅。脫輅注。謂以木當胸。以輅車也。韻集。輅前橫木曰路。以路為之。轉注管子。小匡。服牛輅馬。按挽也。假借為路。廣雅釋器。輅車也。書顧命。大輅先輅。次輅。晉語。輅車十五乘。注。廣車也。論語。乘殷之輅。禮記樂記。大輅者天子之車也。列子力命。乘其畢。輅釋文。柴車也。又為訝。左傳。十五傳。輅秦伯注。迎也。宣二傳。狂狡輅。鄭人。

遇 璐

璐 王也。从玉路聲。楚辭涉江。被明月兮佩寶璐。注。寶璐。美玉也。雪賦。逵似連璐。注。引許叔重淮南注。美玉也。舌韻。楚詞涉江。叶璐。

遇 鷺

鷺 白鳥也。从鳥路聲。詩。白鳥翯翯。字亦作鷺。爾雅。鷺春。組住頭。翅背上皆有長翰。毛江東。取為曉。攤曰。白鷺。按接。接。白帽也。詩。宛邱。值其鷺羽。傳。羽可以為翳。陸疏。水鳥也。好而潔。白青脚。高七八寸。尾如鷹尾。喙長三寸。頭上有毛十數枚。長尺餘。取魚時。則弭之。振鷺。振鷺。于飛。有駉。振振鷺。按楚威王時。有朱鷺來舞。則亦有赤者。舊鼓吹。朱鷺曲是也。

遇 路

路 箇箬也。从竹路聲。古文从路聲。按竹名為矢。符良廣雅釋草。箬箬也。書禹貢。惟箇箬楛。

遇 潞

潞 冀州浸也。上黨有潞縣。从水路聲。今山西潞安府潞城縣。即古潞子國。蓋以水得名。其源流今不可攷。周禮職方氏。其浸汾潞。注。以出歸德之洛水。當之非也。水經濁漳水注。潞水即漳水也。亦非。又灤水注。筍清潞水之別名也。假借為潞。呂覽。不屈士民。罷潞注。潞。

也。贏。又灤水注。筍清潞水之別名也。假借為潞。呂覽。不屈士民。罷潞注。潞。

遇 露

露 潤澤也。从雨路聲。按土氣津液。從地而興。若薄以寒氣。即結而為霜。月合章句。露陰液也。五經通義。和氣津凝。為露。大戴記。曾子天圓。陽氣勝。則散為雨。露廣雅釋詁。二露。漬也。詩。行露。謂行多露。蓼蕭。零露漙漙。轉注。晉語。是先子覆露。子也。注。潤也。漢書鼂錯傳。覆露萬民。注。膏澤也。廣雅釋器。承露。覆結也。假借為裸。長楊賦。今樂遠。出以露威靈。注。顯暴也。荀子富國。都邑露注。謂無城郭墻垣。方言。三。露敗也。封氏聞見記。露布捷書之名也。謂不封檢露。而宣布。欲四方。速知。又為羸。左昭元傳。以露其體。注。羸也。又為露。淮南本經。是日松。柏。箇露。夏槁。又託名。標識。字詩。式微。胡為乎中。露。傳。衛邑名。列女傳。作中路。是借為路。聲訓。釋名。釋天。露慮也。覆慮物也。按。謂覆慮物。舌。韻。詩。行露。叶露。夜湛露。叶露。夜句中。韻。式微。叶。故露禮。孔子閒居。叶夏露。文子道原。叶露澤。

藥 窻

敬也。从心，客聲。春秋傳曰：以陳備三窻。按黃帝堯舜後也。二王廟碑追存二代三恪之禮字，亦作恪。字林：恪，恭也。詩：那執事有恪。禮記：祭義嚴威儼恪。周語：俾莫不任肅純恪也。假借為格實為退。卽嘏。左昭七傳：叔父陟恪，按猶登假也。注：非舌韻詩，那叶鞞奕，客憚昔作夕恪。

藥 落

凡艸曰零，木曰落。从艸，洛聲。按陟也。禮記：月令草木黃落。離騷：落葉黃蘗也。史記：汲鄭傳：賓客益落，索隱謂散也。莊子：天地無落，吾事釋文：猶廢也。又爾雅：釋詁：卒，殂也。殂，死也。字變作洛。釋文：本作落。虞書：帝乃殂落。段借為頤。爾雅：釋詁：落，始也。按頤之為始，猶元首之為始也。詩：訪予落止。周書：文酌物無不落。又左昭七傳：願與諸侯落之。注：宮室始成祭之曰落。昭四傳：饗大夫以落。之注：以豕豬血。豐鐘曰：落又為格。西京賦：楷枳落。注：籬也。後漢列女傳：注：落，落也。水經：汭水注：落架水名也。後漢：仇覽傳：注：落居也。今人謂院為落也。廣雅：釋詁：二落，厓也。又為閣。漢書：李廣傳：禹從落中，以劍斫絕纜，又為絡。漢書：西域傳：贊落以隨珠和璧。羽獵賦：注：落，纜也。又遊天台山賦：落五界而迅征。注：邪行也。景福殿賦：落帶金釭。注：壁帶也。漢書：李尋傳：落脈通注：調經絡也。又託名幪。識字：水經：河水注：清水，迳皋落城。北世謂之倚毫。城聲相近。又爾雅：太歲在巳曰大荒落。天官書：作駱。又疊韻：連語左閱元傳：盟于落姑。

公穀作浴。莊子：逍遙遊，瓠落無所容。司馬注：零落也。史記：酈生傳：貧落魄，集解：志行衰惡之兒。漢書：注：失業無次也。書：洪範曰：亂疏落。驛希疎之意，又重言形况。字老子：落落如石。注：喻多也。歎：披賦：親落落而日稀。注：稀見。左思：詠史詩：落落窮巷士。注：疎寂兒。晉：訓：漢書：司馬相如傳：注：落，獲也。古韻詩：氓叶落若爾。雅：釋天叶格，闕巫落若。周書：柔武叶居落。

藥 亭

亭，外城也。从回，象城亭之重。兩亭相對也。或但从口，經傳皆以郭為之。世本：蘇作城郭。轉注詩：皇矣，憎其式廓。傳：廓大也。字又作廓。方言：一，張小使大謂之廓。通俗：文廓寬也。聲：訓說文：亭，度也。民所度居也。

藥 楸

葬有木亭也。从木，亭聲。按周棺者，也。字亦作柳。周禮：間師不樹。者：無柳禮記：喪大記：君松楸。段借為度。考工：輪人：楸，其漆內司。農注：楸者，度兩漆之內相距之尺寸也。聲：訓說文：楸，葬有木亭也。白虎通：柳之為言，廓所以開廓，辟土無令迫棺也。釋名：楸，廓也。廓落在表之。言也。

藥 郭

齊之郭氏，虛善善不能進，惡惡不能退，是以亡國。从邑，高聲。按郭國名。春秋：郭公、公羊傳：謂失地之君歸于曹者，名赤。段借為

郭管子度地城外為之郭公羊文十五傳派郭也禮記禮運城郭溝池以為固又漢書酷吏尹賞傳致合辟為郭注謂四周之內也風俗通郭大也詩皇矣憎其式郭釋名釋兵弩牙外曰郭為牙之規郭也廣雅釋器郭劍削也方言九作廓又郭劍衣也素問湯液醪醴論津液充郭注郭皮也皆膏字之轉注又為號周書王會郭叔掌為天子蒙幣焉注文王弟公羊僖二傳夏陽者何郭之邑也穀梁昭元年會于郭又託名標識字周書作維乃囚蔡叔于郭陵注地名偽蔡仲之命郭鄰傳則本中國之外地名聲訓釋名郭廓也廓落在城外也曰虎通郭之言廓也大也亦皆膏字之訓舌韻

藥 崞

崞 崞山在雁門山崞聲在

藥 鞞

鞞 去毛皮也外革郭聲論語曰虎豹之鞞俗字作鞞按卽革也革象形字鞞諧聲字詩韓奕鞞鞞淺幟載驅簞第朱鞞楚辭離世

管澤瀉以豹鞞今轉注呂覽贊能乃使吏鞞其拳注革也舌韻詩載驅叶薄鞞夕

藥 潮

潮 潮水在魯从水郭聲出今山東兗州府滕縣東北述山西流會南梁河入運河舊名南沙河左襄十九年取邾田自潮水據杜

注出東海合鄉縣經魯國至高平湖陸縣入泗則在今山東兗州府魚臺縣東北

藥 郭

郭 雨止雲罷見从雨郭聲淮南書道生于虛郭按字亦作廓廣雅釋詁三廓空也淮南處大廓之字注虛也又禮記檀弓祥而廓然海賦廓如靈變注猶開也長楊賦廓然已昭矣注除兒老子我獨廓兮其未化亦皆單辭形况字舌韻詩皇矣叶赫莫獲度廓宅

號二名凡號之派皆衍號聲 古伯切

陌 號

號 虎所攬畫明文也外虎乎聲按从号會意假借託名標識字書君爽亦惟有若號叔傳國名左隱元傳號叔死焉釋文國名公

羊傳秦策周書王會解皆作郭左昭元年會于號公羊作潮穀梁作郭按文王弟號仲初封于今陝西鳳翔府寶雞縣為西號後改封于今河南陝州為東號又水經濟水注號亭俗謂之平眺城亦謂之號眺城蓋號號字相類轉失實也

陌 號

號 水裂去也 从水號聲

號一名 呼各切

藥 壑

壑 土溝也外从谷會意或又从上讀若郝爾雅釋詁壑虛也委之于壑注路旁坑壑也禮記郊特牲水歸其壑注猶坑也淮南原道而躓蹈于污壑穿陷之中又爾雅釋言隍壑也詩韓奕實墉實壑

豫部弟九



遇護

救視也从言夔聲史記蕭何世家數以吏事護高祖漢書李廣傳有白馬將出護兵注謂監視之張良傳煩公卒調護太子注謂保安之又臥而護之注謂監視諸將又素問離合真邪論適而自護注慎守也聲訓廣雅釋詁二護助也舌韻素問離合真邪論叶故處補

陌鞞

佩刀系也从革夔聲蒼頡篇佩刀把韋也段借為獲莊子庚桑楚外內鞞者崔注恢廓也則謂借為韋

藥曠

大視也从目夔聲魏都賦曠焉相顧

藥夔

收絲者也從竹夔聲或从角閒聲字亦作夔方言五夔棧也今蘇俗謂之夔頭有車曳者有手轉者

藥夔

善丹也从丹夔聲讀若雀書梓材惟其殷丹夔南山經雞山多丹夔

遇穫

刈穀也从禾夔聲其器曰鉞曰鎌既穫斂之曰齊易无妄不耕也注收也假借託名標識字爾雅釋地周有焦穫聲訓呂覽審時稼就而不穫注得也按謂獲也舌韻詩七月叶穫穉貉六月叶茹穫

陌獲

獵所得也从犬獲聲易巽田獲三狐詩小弁遇犬獲之周禮大司馬獲者取左耳左傳魯展獲字禽轉注小爾雅廣言獲得也

禮記檀弓不獲二毛注係虜之左僖元傳獲莒拏注大夫生死皆曰獲又定九傳獲寶玉大弓凡獲器用曰得得用曰獲又儀禮鄉射禮獲者坐而獲注射者中則大言獲又釋獲者遂以所釋餘獲注餘獲

餘算也又周禮朝士凡得獲貨賄人民六畜者注俘而取之曰獲又

方三罵婢曰獲女而婦奴謂之獲亡婢謂之獲楚辭哀時命釋管晏而任臧獲兮莊子駢拇臧與穀二人以穀為之墨子小取獲人也

廣雅釋詁三獲辱也又詩楚茨笑諸卒獲傳得時也皇矣其政不獲

箋得也書微子乃罔恒獲鄭注猶得也左昭元傳楚公子不獲注不

得安也曲禮毋固獲注爭取曰獲中庸不獲乎上論語先難而後獲

孟子耕者之所獲假借為誤淮南兵略八風屈伸不獲五度又為獲荀子富國一歲而再獲之又周髀算經物有朝生暮獲禮記儒行不

隕獲于貧賤亦皆獲字引申之義又疊韻連語風賦啾啾獲按啾獲亦作嗜獲舌韻詩駟鐵叶碩獲楚茨叶踏碩炙莫客錯度獲格醉

皇矣叶赫莫獲度廓宅泮水叶博歆逆獲禮記曲禮叶獲箸左昭廿七傳叶

索獲

藥漚

雨流霑下見外水夔聲漢書司馬相如傳汜溲漚之楚辭疾世望江漢兮漚漚注大兒亦疊韻連語北山經漚漚之水亦重言形况字轉注廣雅釋詁三漚汚也段借為漚詩葛覃是刈是漚韓詩漚漚也又為漚周禮大司樂大夏大漚大武注湯樂也風俗通聲音

漢言救民也春秋繁露楚莊王護者救也廣雅釋詁四護護也字亦作護又託名標識字穆天子傳休于漢澤注今平陽漢澤縣古韻詩葛覃叶莫

馮遇 鱧 魚名从魚夔聲爾雅經大鱧小者鮠注鱧似鮠而大白色按大馮口亦曰鮠曰鮠今揚州人呼為鮠魚江中多有余常食之

北山經南水其中有鱧鮠

遇 搆 擊搆也一曰握也錯本作搆也从手夔聲廣雅釋詁三搆持也西京賦搆獬廌注搆取之也轉注書策誓杜乃搆鄭注柞鄂也

王注所以捕禽獸機檻之屬坤蒼獲地瓜持也禮記中庸驅而納諸吾搆陷阱之中段借為漢說文一曰布搆也舌韻周書周祝叶搆詐

藥 螻 尺螻屈伸蟲也从虫夔聲一名步屈爾雅螻蚘螻易尺螻之屈侯果注詘行蟲蚘也考工弓人麋筋斥螻濶按斥螻尺螻皆

疊韻 連語

藥 鑊 鑊也从金夔聲蓋大盆字亦作鑊儀禮少牢禮羊鑊豕鑊周禮大宗伯省牲鑊注烹飪器也亨人掌共鼎鑊注所以煮肉及魚

脂之器既孰乃齊于鼎淮南說山嘗一鬻肉知一鑊之味注無足曰鑊漢書刑法志有鑿頭抽脅鑊亨之刑注鼎六而無足曰鑊轉注爾

雅釋訓是刈是鑊韓詩淪也

電二名凡電之派皆衍電聲 匹各切

藥 電 雨濡草也从雨从革會意讀若臍革濡則虛起今蘇俗語音如朴

馮 霸 月始生魄然也承大月二日承小月三日从月電聲古文魄也月三日始生兆朋名曰魄漢書律歷志死霸朔也生霸望也

又旁死霸孟康注魄月質也按書偽武成疏魄者形也太元元數注魄者死之體也書曰明死而魄生故知魄為體也此皆以魄為質法

言五百注魄光也謝惠連詩類魄不再圓注月魄也此皆以魄為光按訓光是也段借為伯白虎通號霸者伯也行方伯之職孟子離婁

丁音霸者長也言為諸侯之長禮記祭法共工氏之霸九州也呂覽先已五伯注昆吾大彭豕韋齊桓晉文也風俗通齊桓晉文秦穆宋

襄楚莊是五霸也論語霸諸侯鄭注天子衰諸侯興故曰霸漢書凡伯王字注皆去讀由霸反以借字作正字非是又水經渭水注霸者

水上地名也古曰滋水矣秦穆公霸世更名滋水為霸水以顯霸功字亦作灞聲訓白虎通霸猶迫也把也迫脅諸侯把持其政也風俗

通霸者把也駁也言把持天子政令糾率同盟也漢書王莽傳伯者

繼空續乏以成  
歷數故其道駁

白十一名凡白之派皆衍白聲

旁陌切

陌白

西方色也般用事物色白从八合二二合數古文作阜未  
詳汗簡作白按青黃赤黑皆舉一事以形之白字何獨為  
會意入二意亦紆曲不瞭蔣驥曰字从日上象日未出初生微光按  
日未出地平時先露其光恒自今蘇俗語味爽日東方發自是也字  
當从日卜指事訓太陽之明也皓皦的等字亦皆从日訓白莊子人  
閒世虛室生白崔注白者日光所照也知北遊若白駒之過隙釋文  
白駒日也漢書賈誼傳白晝大都之中注白晝晝日也呂覽士節注  
白明也荀子榮辱注白彰明也皆因古文而傳會其說六書正義云米粒  
胞形六書統去目無精也皆因古文而傳會其說六書正義云米粒  
果疏核仁也始以皂字从白而生訓皆非也釋名釋采帛白啓也如  
冰啓時色也易說卦巽為白淮南陸形西南方曰編駒之山曰白門  
注金氣白素問風論注白肺色也孔子曾孫白字子上釋注荀子王  
霸仁人之所務白也注白明白也漢書馮奉世傳威功白著注謂顯  
明也有白上者注明告也又荀子王制乘白之數注猶今之白丁也  
管子七發擊毆眾白徒注謂不練之卒後漢高彪傳白屋注匹夫也  
按皆空素之意又楚詞招魂呼五白些注五白籥齒也又周禮邊人

白黑形鹽注稍曰白禮記內則酒清白注白事酒昔酒也又後漢馮  
衍傳注白黑猶賢愚也漢書王莽傳注白黑猶清濁也段借為帛詩  
六月白旆央央爾雅釋天孫注正作帛後漢馬融傳偃伯于靈臺注  
師節也以伯為之易說卦巽為白按賁東帛虞注巽為帛又託名標  
識字漢書叙傳皆引滿舉白吳都賦飛鷲舉白注罰爵名也又水經  
灑水注白登臺名聲訓釋名釋兵白旆般旌也以帛繼旒末也水經

河水注半達晉言白也舌韻詩裳裳者華叶白  
駱若考王弓人叶昔澤白赤楚詞惜誦叶釋白

陌碧

石之青美者从玉石白聲西山經高山其下多青碧又章峩之  
山多瑤碧東山經耿山多水碧淮南陸形昆侖碧樹瑤樹在其

陌迫

北漢書司馬相如傳錫碧金銀轉注廣  
志碧有縹碧有綠碧廣雅釋器碧青也

陌迫

近也从彳自聲廣雅釋詁一壓也又急也離騷望崦嵫而勿迫  
注附也呂覽貴生迫生為下注促也淮南精神迫而動注切也

陌迫

舌韻楚詞離騷叶迫索

陌皎

進也从支自聲段備為伯  
說文引書立政常皎常任

陌柏

鞠也从木白聲字亦作柏爾雅柏榭禮記襍記絜曰以榭許書  
無榭字文闕奪也此注以鞠為之詩闕宮新甫之柏論語殷人

以柏假借為迫周禮司几筵其柏庸用萑司農注迫地之席後鄭以  
為薑字漢書溝洫志魚弗鬱兮柏冬日又為魄東方朔傳柏者鬼之  
廷也又為伯考工車人柏車轂長一柯注山車釋名柏車柏伯也大  
也丁夫服任之大車也按伯猶長也又為敝廣雅釋詁一柏憂也又  
託名標識字左定四傳戰于柏舉公羊作伯聲訓史記陳餘傳柏人  
者迫於人也白虎通宗廟柏者所以自迫促古韻詩頌弁叶柏奕懌  
闕宮叶柏度尺  
烏碩奕作若

帛

帛

繪也從巾白聲字亦作帛左形右聲左閱二傳大帛之冠注厚  
繪也虞書五王三帛鄭注帛所以薦玉淮南原道執玉帛者萬

帛

國注帛元纁也周禮大宗伯孤執皮帛注帛如今璧色繪也太宰六  
日幣帛之式注幣帛所以贈勞賓客者釋名釋衣服帛展以帛作之  
如屬也易說卦九家本坤為帛左傳紀子帛字裂縞公穀以伯為之

帛

轉注爾雅釋草帛似帛華山有之假借為帛即縹釋名釋衣服帛腹  
橫帕其腹也又為白禮記王藻大帛不綏古韻

伯

伯

禮記禮運叶炎酪帛朝又叶席冪帛炎魄莫  
長也從人白聲儀禮士冠禮曰伯某甫仲叔季唯其所當詩載

方胥伯詩巷伯禮記內則州伯疏伯長也又周禮大宗伯九命作伯  
禮記王制千里之外設方伯又孝經而况于公侯伯子男乎舊注一

國之長也又荀子仲尼羞稱乎五伯注為諸侯之長廣雅釋詁一伯  
君也穆天子傳河宗之子孫鄴柏絮注爵也以柏為之轉注周書武  
順四卒成衛曰伯注卒名莊子人閒世匠伯不顧崔本作石假借為  
馮詩吉日既伯既禱爾雅釋天馬祭也又為迫淮南人閒陽虎將舉  
劍而伯頤又為伯孟子或相什伯漢書食貨志有仟伯之得又疊韻  
連語海內南經伯慮國方言八虎自關而西謂之伯都又託名標識  
字廣雅伯趙賜也與博勞同又書伯益伯與左傳伯封有逢伯陵古  
今人表皆作柏史記伯嚭吳越春秋作白喜論衡作帛喜聲訓風俗  
通皇霸伯者由也言其功實明白春秋元命苞伯之為言白也明白  
于德也白虎通姓名伯者子取長迫近父也舌韻詩穉兮叶穉伯崧  
高叶伯宅韓奕  
叶伯壑籍

魄

魄

陰神也從鬼白聲左昭七傳人生始化曰魄注形也既生魄陽  
日魂疏附形之靈為魄晉語其魄兆于民矣魄意之精也禮記

祭義魄也者鬼之盛也注耳目之聰明為魄淮南主術地氣為魄賈  
子禮容心之精爽是謂魂魄列子仲尼是若欺魄焉按顛魄者醜貌

也轉注爾雅釋詁魄閒也按亦空虛之意莊子天道古人之糟魄已  
夫釋文糟爛為魄俗字造柏假借為霸周書世俘既死魄法言五百

月未望則載魄于西注光也月賦魄示冲又託名標識字爾雅釋  
木魄揆榼注似檀齊人諺曰上山斫檀揆榼先殫今京西諸山之白

木也又恩倖傳論素練丹魄廣志虎魄生地中其上及旁不生草木深者八九尺大如斛削去上皮中成虎魄有汁初如桃膠凝堅乃成其方人用以爲蜜也字作珀又爲嘆書古太誓其聲魄馬注魄然安定意也亦單辭形况字又疊韻連語漢書酈食其傳家貧落魄魄按與落薄拓落落託皆同又雙聲連語吳都賦旁魄而論都字亦作礪聲訓白虎通情情性魄者白也白者猶迫然著人也舌韻禮記禮運叶

席冪帛炙魄莫

藥 狛

狛 如狼善驅羊从犬白聲讀若藥甯嚴讀之若淺泊

馮 怕

怕 無爲也从心白聲子虛賦怕乎無爲今澹泊字以泊爲之廣雅釋詁四怕靜也漢書楊雄傳泊如也注安靜也假借爲岐披今

懼怕字其義當爲壓迳

陌 鮪

鮪 海魚名从魚白聲讀若書白不黑按太元昆次三日昆白不黑白魚也一名鯀古今注白魚赤尾者曰鯀一曰鮪古太誓白魚入于王舟字亦作鮪石鼓文又鮪又鮪

百四名凡百之派皆衍白聲

傳陌切

陌 百

百 十也从一白數十百爲一貫相章也韻會引說文从一自數十爲一百百自也十百爲一貫貫章也古文从一

从自按許謂从白會意相章者白章明也因古文誤隸白部耳按字實當从一白聲百亦一也故从一詩天保羣黎百姓傳百官族姓也

噫嘻播厥百穀韓詩穀類非一種故言百也晉語庭實旅百注舉成數也淮南時則律中百鍾注林鐘也說山猶百舌之聲注百舌鳥名

段借爲模左僖廿八傳距躍三百曲踊三百注猶廟也舌韻莊子秋水叶百若三略下叶百郭

陌 佰

佰 相什佰也从人百會意按百亦聲過秦論俛起什佰之中此言百夫長也漢書食貨志有什佰之得此言貨錢數也漢書匡衡

傳南以闕佰爲界丁魴碑口流嚙佰此言田東西界也今字作阡陌廣雅釋室陌道也史記秦本紀開阡陌風俗通河東以南北爲陌段

借爲陌即縱釋名釋首飾綃頭或謂之陌頭言從後橫陌而前也

藥 洎

洎 淺水也从水百聲字亦作泊作泊須氏家訓引趙州栢人城徐整碑洎洎流東指謝惠連詩曲池薄停旅以薄爲之假借爲泊子

虛賦泊乎無爲澹乎自持後漢蔡邕傳注泊猶靜也又爲泊邊讓傳注泊汁也此字形之誤又疊韻連語海賦澗泊柏而地颺注泊柏小

波也洞簫賦密漠泊以傲彖注與泊同嶼泊竹密兒又單辭形况字漢書禮樂志泊如四海之池注水兒也

陌 拊也。从手百聲。字亦作拍。廣雅釋詁：三拍擊也。拍擊也。釋言：拍也。考工：搏瑱之工，以搏為之。楚辭：湘君薜荔拍兮蕙綢注。搏也。借為膊。周禮：醢人豚拍魚醢。聲訓：釋名：釋姿容拍搏也。以手搏也。其上。

藥 陌 索

### 索二名凡索之派皆衍索聲

桑各切

藥 陌 索 艸有莖葉可作繩索。从艸系會意。杜林說：索亦朱市字。小爾雅：廣器大者謂之索。大戴記：主言十尋而索按草如蔽。秆茅麻之屬。木如椶櫚之屬。竹如筴。皆可為繩。亦曰絳。曰繩。楚辭：惜誓并初茅。絲以為索。方言：九注車紂。今江東呼索。綸傳：注詩：七月宵爾索。綸淮南主術：索鐵。欵金注：絛也。假借為素。小爾雅：廣言索空也。廣雅：釋詁：三獨也。說苑：權謀索也。者盡禮記：檀弓：吾離羣而索。居注：猶散也。儀禮：鄉射禮：命曰取矢不索。猶盡也。左襄八傳：悉索敝賦。歎逝賦：索然已盡。又為索。易：繫辭傳：探賁索。疏謂：求索說卦：一索而得男。馬注：數也。左襄二傳：以索牛。馬注：簡擇好者。又為略。左定四傳：疆以周索。注法也。昭二傳：八索九邱。賈注：三王之法。又重言形况字。易震索索。馬注：內不安。兒鄭注：猶踏踏。足不正也。又單辭形况字。莊子徐无鬼：索然出涕。司馬注：涕下兒。又鼻韻連語：洞簫賦：薄索合沓。漢

陌 索

書：楊雄傳：薄索蛟螭。聲訓：釋名：釋典：藝入索。索素也。著素王之法。若孔子者，聖而不王，制此法者有八也。水經：河水注：索郎反。語為桑落。舌韻：易震叶索。巽楚詞：離騷叶索。妒又叶迫。索招魂叶託。索石。釋索：問示從容論叶足。著索逆左昭廿七傳叶索。獲句中韻。

### 若五名凡若之派皆衍若聲

而灼切

藥 陌 若 擇菜也。从艸右會意。右手也。字亦作戩。家語：弟子魯有若字。子有轉注。晉語：吾誰使先若夫二公子而立之。按：擇也。別義：說文：一曰：杜若，香艸。楚辭：雲中君華采衣兮若英。舞賦：順微風揮若芳。注：杜也。漢書：司馬相如傳：衡蘭芷若。又廣蒼云：若，蹈足兒。假借為順。為善。善順若一聲之轉。爾雅：釋詁：若，善也。釋言：若，順也。易：觀有孚，禺若。書：堯典：欽若昊天。詩：烝民：天子是若。左宣三傳：不逢不若。禮記：曾子問：若義也。又為柔。離騷：折若木以發聲之詞。小爾雅：廣詁：若，汝也。考工：梓人：惟若。宰侯：儀禮：士昏禮：記若則有常禮。記祭統：若，纂乃祖服。又助語之詞。爾雅：釋言：猶若也。考工：梓人：毋或若。女：不寧侯。注：如也。禮記：檀弓：吾欲暴肌而奚若。注：何如也。左僖三十三傳：以閒敝邑。若

何注如何也管子小問與若之多虛而少實注似也又漢書賈誼傳苟若而可注猶然也又小爾雅廣言若乃也周語若能濟也又漢書高帝紀若一郡降者封萬戶注及也武帝紀為復子若孫周禮稍人若有會同疏不定之辭也漢書賈誼傳各為若于國注若于預設數也又老子寵辱若驚顧注而也管子海王若其事立注然後也荀子王霸出若入若注如此也秦策織自若注如故也又易豐有孚發若注詞也易離出涕沱浹疏是語辭也釋文幾古文若皆如此斥彭長田君斷碑養善池春陽以鬻為之又重言形况字漢書石顯傳綬若若注長兒又託名標識字莊子秋水望洋向若司馬注海神西山經搖木之有若注大木之奇靈者為若又周禮龜人北龜曰若屬爾雅龜右倪不若古韻詩氓叶落若皇華叶駱若度裳裳者華叶白駱若闕宮叶釋宅猶諾若又叶柏度尺屬頤奕作若烝民叶若賦易巽叶下若爾雅釋天叶格闕

**藥 諾** 詔 應也 從言若聲 按應詞也 緩應曰諾 疾應曰唯 詩闕宮莫敢不 宿諾皇疏許也 呂覽知士劑貌辨答曰敬 諾注順也 古韻詩闕宮叶釋宅猶諾若

**藥 箬** 楚謂竹皮曰 箬 從竹若聲

**藥 媯** 不順也 從女若聲 左昭七傳叔孫媯如齊 涖盟公羊 作舍假借發聲之詞 漢書媯月氏羌名也 讀如兒

**藥 蠶** 整也 從虫若聲 實與螫同 字亦作蠶 作蠶字 林蠶 行毒也 廣雅釋詁 二蠶痛也 蠶痛也 漢書蒯通傳 蠶毒也

**藥 叒** 一名 而灼 初出東方 陽谷所登 樽桑叒木也 象形 籀文又 从叩與 拂日假借為若 斥彭田 君斷碑 養善池 春陽

**藥 彘** 一名 丑略 行年止也 从彘 彘 意讀若 春秋公羊傳曰 彘階而走 假為 廷按公羊 宣六傳 彘階而走 注超遠不暇 以次今作 躒釋 文與 躒同 儀禮公食大夫禮 栗階升注 不拾級而下 曰彘 廣雅釋室 彘 犇也 三蒼徒 跣作躒 躒又作躒 以脚踐土也 又疊韻連語 漢書武 帝紀 躒地之士 注 躒落無檢局也

**赤六名凡赤之派皆衍赤聲** 昌石 切

# 赤

南方色也。从大从火，會意。古文从炎，土按心三星，亦曰大。火中一星正赤，洪範五行傳赤者火色也。素問風論其色赤注赤者心色也。白虎通三正赤者盛陽之氣也。易說卦乾為大火，離為火，困困于赤，紂鄭注朱深曰赤，書顧命赤刀，鄭注武王誅紂時，刀赤為飾，周正色，周禮巾車建大赤，履人赤纁，禮記月令駕赤駟，又孟子不失其赤子之心者也。注嬰兒也。漢書賈誼傳注赤子言新生，未有眉髮，其色赤。又大荒北經竹南有赤澤水，水經渭水注小赤水，即山海經灌水也。穆天子傳昆侖之阿赤水之陽，注赤水東北流，爾雅蕒赤，蕒後漢光武紀赤草，注朱草也。左傳羊舌赤，字伯華，孔子弟子，公西赤，字子華，又釋名輕疾者曰赤，馬舟其體正赤，疾如馬也。轉注淮南天文殺不辜，則國赤地，覽冥晉國赤地，注旱也。解嘲不知一跌將赤吾之族也。注謂誅滅也。皆顯然盡露蓋蔽無存之意。赤體赤脚，亦同。或曰皆借為赫，假借為赫，周禮赤文氏注猶言赫拔也。東京賦逐赤疫於四裔，注疫鬼惡者也。又為斥史記晉世家虜秦將赤，又託名，縹識字爾雅在丑曰赤，奮若淮南天文注言陽奮物而起之，無不順其性，赤陽色，陸形注天神也。說亦傳會爾雅釋草赤袍，薊即今之蒼朮也。聲訓赤赫也。太陽之色也。舌韻考工弓人叶昔澤白赤，轉音靈樞決氣篇叶赤血。

# 赦

者殺無赦，釋文亦作赦，易象傳君子以赦過宥罪，疏謂放免經傳多以舍為之。段借為螫，韓詩小忠自求辛赦，傳事也。按借事為數數刺也。聲訓爾雅釋詁赦舍也。按謂捨也。舌韻禮記月令叶賦下赦。邑右扶風鄠鄉盤崖縣从邑赤聲。在今陝西西安府。段借為赫字。邑右扶風赤兒也。楚策馮郝古今人表作赫，又重言形况字爾雅釋訓郝郝耕也。舍人注釋釋猶藿藿解散之意。今詩載芟作澤澤亦同。又託名縹識字廣雅釋草郝蟬丹蓼也。或曰借為赤。

# 藥

者殺無赦，釋文亦作赦，易象傳君子以赦過宥罪，疏謂放免經傳多以舍為之。段借為螫，韓詩小忠自求辛赦，傳事也。按借事為數數刺也。聲訓爾雅釋詁赦舍也。按謂捨也。舌韻禮記月令叶賦下赦。邑右扶風鄠鄉盤崖縣从邑赤聲。在今陝西西安府。段借為赫字。邑右扶風赤兒也。楚策馮郝古今人表作赫，又重言形况字爾雅釋訓郝郝耕也。舍人注釋釋猶藿藿解散之意。今詩載芟作澤澤亦同。又託名縹識字廣雅釋草郝蟬丹蓼也。或曰借為赤。

# 赫

裂也。从手赤聲。周禮赤衣氏以赤為之，拔除去之也。

# 螫

蟲虫行毒也。从虫赦聲。實與蠶同。字詩小忠自求辛螫。韓詩以赦為之。淮南說山真蟲之動以毒螫，倣真蜂蠆螫指而神不能。

# 赫

火赤兒。从二赤會意。字亦作赫。作赫廣雅釋器赫赤也。詩簡兮赫如渥赭，瞻彼洛矣，韎韐有奭，以奭為之。方言十三赫赫也。轉注詩桑柔反，千來赫，傳炙也。俗字作赫。莊子秋水仰而視之曰赫，又小爾雅廣詁赫明也。廣言顯也。方言十二怒也。發也。廣雅釋詁四覺也。詩生民以赫厥靈，假借為赫。江賦或赫鯉乎巖，閒注猶開也。又重言形况字爾雅釋訓赫赫明也。詩常武赫

赫明明赫赫業節南山赫赫師尹大明赫赫在上雲漢赫赫炎炎楚語赫赫楚國而君臨之皆顯盛之意孔融碑赫赫彌章字亦作赫又單辭形况字詩皇矣王赫斯怒淇奧赫令恒兮爾雅釋訓威儀也公羊宣六傳則赫然死人也注支解之見高唐賦巫山赫其無疇兮又疊韻連語詩那於赫湯孫離騷涉陸皇之赫戲兮莊子馬蹄夫赫胥氏之時此古帝號釋文本作莽又託名標識字漢書外戚傳赫蹏書注薄小紙也或作擊又西周策仇赫史記作机郝古今人表高赫呂覽作赦聲訓廣雅釋器赫赤也太元爭赫河臞注虛也廣雅釋詁二赫怒也舌韻詩皇矣叶赫莫獲度廓宅

尺一名

昌石切

陌尺

尺

十寸也人手卻十分動脈為寸口十寸為尺尺所以指斥規架事也从尺从乙乙所識也指事周制寸咫尺勿尋常諸度皆以人之體為法蔡邕獨斷夏以十寸為尺殷以九寸為尺周以八寸為尺禮記王制古者以周尺八尺為步注周猶以十寸為尺又後漢明帝紀注六尺謂年十五以下又海賦揭百尺注帆檣也對楚王問尺澤之鯢注言小也假借疊韻連語廣雅釋蟲尺蠖蟻蠹也字亦作蚘考工弓人以廣為之舌韻詩閼宮叶柏度尺鳥碩奕作若禮記曲禮叶度作尺

彳一名

丑亦切

陌彳

彳

小步也象人脛三屬相連也謂股脛足三屬射雉賦彳于中輟注止見也今字作躑躅

毛十一名凡毛之派皆毛聲

陟格切

陌毛

毛

艸葉也似羽穗上貫一下有根象形按一地也指事

麻碼 陌吒

吒

噴也叱怒也从口毛聲字亦作咤作噴禮記曲禮毋咤食疏謂口舌中作聲史記世家嗜噉叱吒漢書王吉傳口倦乎叱咤別義通俗文痛惜曰咤郭璞遊仙詩撫心獨悲吒注歎聲也又孟子梁惠王上下音咤誇也字亦作詫莊子達生踵門而詫子扁慶子司馬注告也一本作託李注屬也史記司馬相如傳子虛過詫烏有先生亦以托為之注誇誑之也又虞書五流有吒鄭注吒懲刈之器謂五刑之流皆有器懲刈五咤者是五種之器謂桎一梏二拳二今本作宅假借為託書顧命三咤王注奠爵也釋文字亦作宅馬本作詫鄭注卻行曰咤則謂借為彳又疊韻連語方言十

一注麟亦呼吒啗按字亦作吒蛸以蟪為之

藥託

託

寄也从言毛聲禮記檀弓久矣予之不託於音也莊子達生踵門而託子扁慶子李注屬也段借為侏論語可以託六尺之孤

允之通川定聲

豫部弟九

葛



陌 炙 炙 炮肉也从肉在火上會意按炮當作灼籀文又从小巢即取

于火曰燔母之而加于火曰炙裹而燂者曰炮柔者炙之乾者燔之

廣雅釋詁二炙爇也詩瓠葉燔之炙之禮記曲禮毋嘖炙蔬火灼曰

炙禮運以烹以炙詩行葦箋炙用肝又孟子書秦人之炙史記刺客

傳置七首魚炙之腹中漢書房太子傳炙胡巫上林中江燒也轉注

孟子而况於親炙之者乎段借疊韻連語廣雅釋蟲炙鼠蟻也蠶

訓釋名炙炙也炙于火上也古韻詩楚茨叶踏碩炙莫客錯度獲格

醜瓠葉叶炙醉行葦叶席酢炙膝罍禮記

禮運叶炙酪帛朝又叶席幕帛炙魄奠

陌 炙

陌 炙

陌 炙

陌 炙

陌 炙

陌 炙

陌 炙

陌 炙

陌 炙

陌 炙 炙 炮肉也从肉在火上會意按炮當作灼籀文又从小巢即取

于火曰燔母之而加于火曰炙裹而燂者曰炮柔者炙之乾者燔之

廣雅釋詁二炙爇也詩瓠葉燔之炙之禮記曲禮毋嘖炙蔬火灼曰

炙禮運以烹以炙詩行葦箋炙用肝又孟子書秦人之炙史記刺客

傳置七首魚炙之腹中漢書房太子傳炙胡巫上林中江燒也轉注

孟子而况於親炙之者乎段借疊韻連語廣雅釋蟲炙鼠蟻也蠶

訓釋名炙炙也炙于火上也古韻詩楚茨叶踏碩炙莫客錯度獲格

醜瓠葉叶炙醉行葦叶席酢炙膝罍禮記

禮運叶炙酪帛朝又叶席幕帛炙魄奠

陌 礪

陌 礪 礪 碎石隕聲

陌 隻

陌 隻 隻 鳥一枚也从又持隹會意持一隹曰隻持二隹曰雙

陌 藥

陌 昔

陌 昔 昔 乾肉也象殘肉日以晞之與俎同意籀文又从小肉字亦作

乾也易噬嗑噬腊肉儀禮士昏禮腊一臠既夕魚腊鮮獸注上腊用

兔有司徹無腊與膚注腊為庶羞穆天子傳魚腊注乾魚假借為昨

鄭語壽之會昔者注極也周語厚味實腊毒注亟也賈注久也周禮

酒正二曰昔酒注今之會久白酒所謂舊醖者也易說卦傳昔者聖

王之作易也疏據今而稱上世謂之昔者書無逸昔之人無聞知疏

久也詩那自古在昔傳古曰在昔爾雅釋訓誰昔昔也廣雅釋詁一

昔始也禮記檀弓予疇昔之夜又為夕廣雅釋詁四昔夜也左傳為

一昔之期穀梁莊七傳辛卯昔字亦作宵莊八傳日入至于星出謂

之昔莊子齊物論今日適越而昔至也楚辭大招以娛昔只列子周

穆王昔昔夢為國君古樂府昔昔鹽猶夕夕引也又為錯實為造考

藥 趙

藥 趙

山有獸名曰羶羊其脂可以已腊注治體皴皴又疊韻連語西山經

藥 趙

藥 趙

藥 趙

兌文通川定聲

豫部弟九

覓

戲刺長干皮中  
形如米或如針

陌齒

齒也。从齒昔聲。或从乍聲。漢書鄧通傳：使太子齧癰。通俗借為乍。左定八傳：桓子。

昨謂林楚注：昨暫也。

陌踏

長脛行也。从足昔聲。禮記曲禮：毋踏席。釋文：躒也。假借雙聲連語。說文：一日蹶。踏論語：蹶如也。恭敬兒。又重言：形况字。詩楚

茨執轡踏踏傳有容也。爾雅：釋訓：踏踏敏也。太元勤勞踏踏注：慙媿兒也。又為陌。即借漢公羊石經：石踏聲。訓釋名：釋姿容踏藉也。以足藉也。古韻詩楚茨叶踏。

碩炙莫容錯度獲格酢。

陌諧

大音昔聲。讀若笨。或从口爾雅：行扈。啣啣李注：啣啣引聲類。大呼也。

引聲類

陌藉

帝藉于畝也。从耒昔聲。所以共盭盛事。天地社稷先古。按周禮甸師：主之掌帥其屬而耕耨。王藉廣雅：釋詁：二藉稅也。又耕藉之禮。古者孟春祈穀後乃擇元辰。今以仲春吉亥。古天子三推。今每歲奉旨加一推。為四推。四返。經傳皆以藉為之聲。訓說文云：古者

大音昔聲。讀若笨。或从口爾雅：行扈。啣啣李注：啣啣引聲類。大呼也。

遇藥 厝

厝石也。从厂昔聲。按如今金剛鑽之類。字亦作借。詩鶴鳴：佗山之石可以為厝。今本以錯為之。左隱三傳：石碣。漢石經公羊傳：以厝為之。假借為措。考工梓人：故書則必如將廢厝。孝經而安厝之。漢書賈誼傳：抱火厝積薪之下。注置也。寡婦賦：將遷神而安厝。又為

厝石也。从厂昔聲。按如今金剛鑽之類。字亦作借。詩鶴鳴：佗山之石可以為厝。今本以錯為之。左隱三傳：石碣。漢石經公羊傳：以厝為之。假借為措。考工梓人：故書則必如將廢厝。孝經而安厝之。漢書賈誼傳：抱火厝積薪之下。注置也。寡婦賦：將遷神而安厝。又為

韻碣敬也。 厝踏之踏唐

藥 厝

立昔聲

陌惜

痛也。从心昔聲。楚辭：惜誓。序：惜者哀也。轉注楚詞：惜誦。誦以致愍。分注：貪也。廣雅：釋詁：一惜愛也。呂覽：長利為天下惜。死

陌措

其門首洒措。廣雅：釋官：措，隘也。

遇 措

置也。从手昔聲。禮記中庸：學之弗能弗措也。考工梓人：則必如其所短。書微子：序殷既錯。天命馬注：錯廢也。以錯為之。轉注禮記禮器：措則正月令措之于參保介之御。閒中庸：故時措之宜也。論語則

民無所措手足。公羊昭十二傳：注不欲令人妄臆。錯疏：置意于言也。以錯為之。假借為籍。淮南繆稱：獫狁之捷來措。注刺也。

其所短。書微子：序殷既錯。天命馬注：錯廢也。以錯為之。轉注禮記禮器：措則正月令措之于參保介之御。閒中庸：故時措之宜也。論語則民無所措手足。公羊昭十二傳：注不欲令人妄臆。錯疏：置意于言也。以錯為之。假借為籍。淮南繆稱：獫狁之捷來措。注刺也。



酬凡酌而無酬醋者謂之醮易繫詞京本可與酬醋儀禮特牲禮尸以醋主人有司徹尸以醋主婦又爾雅釋詁酢報也廣雅釋詁一酢樂也詩楚茨萬壽攸酢瓠葉酌言酢之書顧命秉璋以酢周禮大行人再裸而酢儀禮鄉射禮東南面酢主人禮記少儀介爵酢爵俱爵皆以酢為之

藉

祭藉也从艸藉聲按藉之為言席也儀禮士虞禮藉用葦席注猶薦也易大過藉用白茅列于黃帝藉芳爇林遊天台山賦藉芰萋之織草注以草薦地而坐曰藉又禮記曲禮執玉其有藉者則裼周禮大行人繅藉九寸注繅藉以五采韋衣板若奠玉則以藉之轉注說文一曰艸不編狼藉又小爾雅廣言藉借也史記陳涉世家藉第令毋斬集解假也左傳廿八傳藉之告楚成二傳苟有以藉口注薦也管子內業彼道自來可藉與謀注因也穀梁哀十三傳其藉于成周注謂貢獻又莊子讓王藉夫子者不禁釋文陵藉也史記魏其武安侯傳人皆藉吾弟索隱陷也荀子王霸曰欲司閒而相與投藉之注踐也字亦作躋又漢書董賢傳嘗晝寢偏藉上衷注身臥其上又薛廣德傳温雅有醞藉注有所薦藉也又郭解傳藉友報仇以藉為之段借為藉為樹風俗通古者使民如借故曰藉田左宣十五傳穀出不過藉周禮甸師掌帥其屬而耕耨王藉周語宣王不藉千畝禮記王制公田藉而不稅又為籍列子仲尼而為罕藉又為組

借

段也八人昔聲此字徐鉉補入說文為十九文之一按即藉字之轉注古只作藉詩抑借曰未知漢書霍光傳正作藉漢書薛宜朱博傳贊假借用權假借雙聲連語廣雅釋器不借履也釋名屏或用不借言賤易有宜各自蓄之不假借人也按不借亦謂之把作亦謂之薄借皆同劉說鑿

籍

簿書也从竹籍聲周禮天司馬乃以九畿之籍注籍其禮差之籍書也小行人掌邦國賓客之禮籍注名位尊卑之書左成二傳非禮也勿籍注書也東京賦蓋六籍所不能談注大經也荀子儒效履天下之籍注圖書也漢書功臣表以昭元功之侯籍云注謂名錄也假借為藉孟子助者籍也注籍者借也又尚書大傳籍之謂殺其身執其家儲其宮又為藉為耒禮記祭義天子為籍千畝注籍田也詩韓奕實畝實籍箋稅也又為降淮南汜論履天子之籍又為誰史記本紀項籍字羽弟子傳原籍字亢元和姓纂晉韓籍字叔禽又重言形况字漢書劉屈氂傳事籍籍如此注猶紛紛也江都易王非傳國中口語籍籍注誼聒之意警訓史記梁孝王世家著引籍正義謂

名簿也釋名釋書契籍籍也所以疏人名戶口也漢書霍光傳注籍假也書孔序由是文籍生焉疏籍者借也借此簡書以記錄政事舌韻詩韓奕叶

陌 鄴地也从邑籍聲按漢

籍 刺也从手籍省聲或曰从竹措聲字亦作擲周禮鼈人以時籍

尼長幼羣聚而為牢籍釋文謂以竹木圍繞又刺也以籍為之

鳥三名凡鳥之派皆衍鳥聲 七雀切

藥 鳥 誰也象形或从隹昔聲按翰鸞也今謂之喜鵲字亦作鵲

下曰鳥禪下曰履詩車攻赤芾金鳥傳達履也狼跋赤鳥凡几小爾雅廣服達履謂之金鳥鳥而金紉也左桓二傳帶裳幅鳥又為斥漢書溝洫志終古鳥鹵今生稻梁海賦襄陵廣鳥又為鴝禮記少儀注名謂若韓盧宋鵠之屬又疊韻連語典引鳥奕乎千載注光曜流行見又單辭形况字詩闕宮松栢有鳥傳大兒又託名標識字莊子至樂生于陵屯則為陵鳥聲訓釋名釋衣服鳥腊也行禮久立地或泥

馬 寫 溼故複其下使乾腊也古韻詩車攻叶奕鳥釋闕宮叶柏度尺鳥碩奕作若

禮稍人以澮寫水殺阮碑承寫其流禮記曲禮器之漑者不寫注傳已器中乃食之也轉注凡以此注彼皆曰寫詩泉水以寫我憂傳除也爾雅釋詁寫憂也淮南本經可以鼓鐘寫也注猶放數也周禮算經筮以寫天注猶象也釋名釋書契書稱刺又曰寫到寫此文也按凡作字作畫皆是段借疊韻連語方言十無寫憐也相見歡喜有得亡之意也古韻詩蓼蕭叶漉寫語處素問調經論叶路寫離合真邪論叶處度候路忤布故處寫靈樞官鍼叶下去取補寫轉注靈樞刺節員邪篇叶取瀉脹

藥 獨 論叶寫下道止始殆補

獨 犬獨獨而對人也从犬鳥聲宋本作不附人也按獨良犬也字之屬以鳥為之廣雅釋言獨虛也假借為靖方言二獨驚也南楚凡相驚曰獨說文南楚謂相驚曰獨讀若恕又重言形况字說文犬獨獨不附人也又大荒北經有黑蟲如熊狀名曰獵獵

夕二名凡夕之派皆衍夕聲 詳亦切

陌夕

陌岁

陌石

莫也从月半見指事易夕惕若虞注坤為夕詩公劉度其夕陽爾雅山西曰夕陽周禮大司徒日東則景夕多風司農注謂日

窀穸也左襄十三傳惟是春秋窀穸之事注夜也

山石也在厂之下口象形爾雅釋山西南之美者有華山之金

石十四名凡石之派皆衍石聲

常隻切

石焉易豫介于石說卦傳艮為小石書予擊石拊石傳磬也周禮典同厚聲石呂覽精通慈石召鐵或引之也注石鐵之母也書大傳大夫有石材庶人有石承注石材柱下質石承當柱下而已又素

問腹中論禁芳草石藥注石藥英乳也左襄廿九傳晉楊石字食我

而有石曰冬病注石冬脉水氣也又廣雅釋詁四石隄也新書連語

說苑辨物十斗為一石周語關石無鈞注今之斛也又四鈞重一石

莊子外物無石師而能言漢書律厯志石者大也又託名標識字論

語子路宿於石門魯城外門蓋郭門也水經沫水注石紐鄉禹所生

賦石帆水松注草類也後漢張衡傳石菌注芝也開居賦石榴蒲陶

漢上石耳注菜名也方言十一螳螂注江東呼為石郎廣雅釋魚石

首鱧也聲訓釋名山體曰石石格也堅捍格也廣雅釋山石和也又

春秋說題辭石之為言託也託立法也又漢書匈奴傳石畫注石言

陌福

宗廟主也按宗廟室藏也外而石會意石亦聲周禮有郊宗

陌 藥 陌 跣

于周廟哀十六傳反陌于西圃注陌藏主石函管子山權數十世則為陌別義說文一曰大夫以石為室假借為拓實為寤桐柏碑開陌神門殿院碑宏陌其祠白石神君碑開陌舊兆無極山碑恢陌守室

陌 藥 陌 磔

廣雅釋詁一蹠履也又行也淮南脩務蹠達膝素問蹠蹠寒風溼之病也以蹠為之假借為蹠漢書楊雄傳跣魂負診蹠蹠幸也按姑也从祭石聲引雞胃腹而張之令其乾枯不收故从祭字亦作砮廣雅釋詁一磔張也三磔開也禮記月令旁磔注攘也爾雅祭風曰磔李注以牲頭蹄及皮破之以祭轉注荀子宥坐伍子胥不磔姑蘇東門外乎注車裂也史記李斯傳十公主砮死于杜別義字林砮山名也

馮 柘

柘柔也从木石聲與桑微別其木堅勁鳥峙其上不屈禮記投壺以柘若棘淮南本經林無柘梓轉注廣雅柘榆梗榆也即刺榆其針刺如柘其葉如榆假借為蔗楚詞招魂有柘漿些漢書禮樂志奉尊柘漿析朝醒舌韻詩皇矣叶据柘路固禮月令叶柘羽

藥 橐

橐也从囊省石聲按小而底曰橐大而無底者曰囊詩公劉于橐于囊左僖廿八傳甯子職納橐籩焉注衣囊秦策負書擔橐漢書趙充國傳持橐籩筆注契囊也轉注老子其猶橐籩乎淮南本經鼓橐吹埤以消銅鐵注冶鑪排橐也文賦同橐籩之罔窮注冶鑄者用以吹火使炎熾又上林賦駒駘橐駝注背上有肉似橐假借為囊管子地員橐土蟲易全處注謂其土多竅穴若橐多竅又重言形况字詩斯干椽之橐橐傳用力也又託名標識字童子逢盛碑才亞后橐按節項託也字亦作囊又為束之誤字爾雅獲囊含錢官詹曰當連下華芻為句

陌 柘

柘百二十斤也稻一柘為粟二十斗禾黍一柘為粟十六斗大半斗从禾石聲禮記月令鈞衡石左昭廿八傳晉楊食我字伯石以石為之假借為石楚辭悲任柘之何益

藥 碩

碩衣衾从衣石聲按衾衾在正中者廣雅釋器袞袞也言其中分曰衾言其開展曰碩今展碩字以拓為之碩大也从頁石聲轉注爾雅釋詁碩大也詩碩人碩鼠椒聊碩大無朋狼跋公孫碩膚巧言蛇蛇碩言大田既庭且碩崧高其碩穆天子傳爰有大木碩草假借為石為曹公作書與孫權明棄碩交又為柘按小爾雅廣言碩遠也又為蹠易蹠往蹠來碩按謂跳躍也古韻詩駟鐵叶碩獲楚茨叶蹠碩炙莫容錯度獲格酢闕宮叶柏

陌 𪔐

度尺為碩 奕作若

五技鼠也能飛不能過屋能緣不能窮木能游不能渡谷能穴

藥 拓

拾也陳宋語从手石聲或从庶聲方言一摭取也陳宋之

藥 斫

擊也从斤石聲假借發聲之詞方言十揚越之郊凡人相侮以

藥 櫟

行夜所擊者从木橐聲易曰重門擊櫟經傳亦以柝為之行夜

藥 斫

擊也从斤石聲假借發聲之詞方言十揚越之郊凡人相侮以

遇 蠹

木中蟲从虫橐聲或从木从虫象蟲在木中形譚長說公

陌 𪔐

不順也从干下口𪔐之也 會意經傳多以逆為之

藥 𪔐

諱訟也从口𪔐聲今作𪔐字亦作𪔐漢書韋賢傳𪔐𪔐黃髮注

藥 𪔐

直言也文選諷諫詩作𪔐注正直也廣雅釋訓𪔐𪔐語也三國

曰噩夢注當為驚愕之愕紛民校尉熊君碑臨朝審鄂費汜碑審鄂  
質直以鄂為之良借託名標識字爾雅釋樂徒擊鼓謂之鄂釋文本  
作鄂又詩行葦或歌或鄂釋文引毛傳徒歌曰鄂又疊韻連語漢書  
律麻志鄂布于午爾雅太歲在酉曰作噩史記作鄂漢書天文志作  
詬殺阮碑光和四年作詬之歲古韻詩行葦

陌逆

叶席酢炙膝鄂爾雅釋天叶格闕噩落若  
同為逆河鄭注言相迎受呂刑爾尚敬逆天命周禮司儀車逆  
拜辱田僕設驅逆之車注逆衙還之使不出圍宰夫萬民之逆司農  
注迎受王命者太僕掌諸侯之復逆司書以逆羣吏之徵合注受而  
鉤考之左僖二傳保于逆旅注客舍也論語不逆詐左哀十一傳齊  
陳逆字子行假借為辛禮記仲尼燕居勇而不中禮謂之逆賈子道  
術行歸而過謂之順反順為逆廣雅釋詁三逆亂也音語未退而逆  
之注反也素問通評虛實論氣滿發逆洪範五行傳星辰逆行漢書  
天文志天文以東行為順西行為逆水經滄水注濡水在潘迴湍率  
多曲復亦謂之曲逆水也爾雅釋畜馬逆毛居駝又為斥考工匠人  
逆墻六分注猶卻也齊策專兵一志以逆秦注拒也廣雅釋言  
逆道也釋名逆還也還不從其理則生殿還不順也古韻詩泮水叶  
博數逆獲易說卦叶薄射錯逆周書周祝叶逆略呂覽  
任地叶逆慕溥郊慕下素問示從容論叶足箸索逆

藥 先 鷺

鷺鳥也从鳥弟聲字亦作鷺玉篇謂即鷺字非廣雅釋鳥鷺鷺  
也西山經欽磻化為大鷺蒼頡解詁鷺金啄鳥也見則天下兵  
能殺麋鹿漢書鄒陽傳不如一  
鷺注大鷺也鷺鷺賦鷺鷺鷺鷺

覺 朔

月一日始蘇也从月弟聲按月行二十九日有奇弟退就日而  
與日會从月从弟會意弟亦聲凡月與日同經度不同緯度則  
為合朔同經度又同緯度即為日食計一百七十三日有奇日月適  
當九道之交則為經緯同度也釋名釋天朔月初之名也白虎通四  
時篇月言朔儀禮士喪禮朔月奠注朔月月朔也詩朔月辛卯俗本  
誤朔日轉注書堯典平在朔易詩出車城彼朔方爾雅釋訓朔北方  
也阮氏元云合朔時刻雖不定而一月一周天朔與望弦分四位則  
朔必在正北為定故于北方命之又廣雅釋詁一朔始也禮記禮運  
皆從其朔儀禮大射儀朔聲在其北釋名聲在前日朔朔始也聲訓  
說文朔月一日始蘇也廣雅釋言朔蘇也釋名朔蘇也月死復蘇生  
也禮記禮運注朔亦初也古  
韻禮記禮運叶炙酪帛朔

藥 普

齊謂春月普从  
白弟聲讀若膊  
御屋也从广弟聲今字作斥謂卻退其屋不居按一切經音義  
廿二引說文作卸屋是也廣雅釋詁三斥推也漢書郊祀志乘

輿斥車馬帷帳器物注不用也武帝紀無益於民者斥注謂棄逐之  
 江都易王非傳擊吉斥之注謂退棄之史記天官書斥小疏弱集解  
 遠也思元賦斥西施而弗御兮注卻也素問調經論勿之深斥注推  
 也段借為麻小爾雅廣詁斥開也史記貨殖傳塞之斥也司馬相如  
 傳除邊關益斥索隱廣也蒼頡篇斥大也魏都賦填衍斥斥注廣大  
 之兒也亦重言形况字又為澤廣雅釋地斥池也禹貢海濱廣斥鄭  
 注謂地鹹鹵字亦作瀉周禮草人鹹鴻用貍史記貨殖傳地瀉鹵又  
 為尺莊子逍遙遊斥鷃笑之七啟山鷄斥鷃字亦作鴟又為還左襄  
 三十一傳寇盜充斥注見也又為逆左襄十八傳斥山澤之險注候  
 也淮南兵略相為斥闔要遮者注埃也書禹貢傳斥候而服事釋名  
 釋船五百斛以上還有小屋曰斥候以視敵進退也穀梁僖五傳目  
 晉侯斥殺注指斥也贛訓史記李將軍傳然亦遠斥候索隱度也漢  
 書東方朔傳注斥卻也

藥 蚺

似蜥易長一丈水潛吞人即浮出曰南从虫並聲字亦作鰐作  
 鰐作鱷大魚也吳都賦鼉鼉鱈鱈注長二丈餘喙長三尺齒利  
 甚虎鹿渡水鱈擊之皆中斷  
 其卵如鴨子亦有黃白可食  
 相遇驚也从彡从辟辟亦聲按辟聲字亦作適作迕作迕又作  
 愕高唐賦卒愕異物漢書張良傳愕然欲歐之爾雅釋詁迕見

藥 鄂

也舊注心不欲見而見曰還後漢陳蕃傳王甫時出與蕃相迕注迕  
 猶遇也爾雅釋言迕寤也釋文本作迕楚辭懷沙重華不可迕兮注  
 逢也幽通賦乘高而還神兮注遇也列子黃帝還物不懼史記天官  
 書其人逢倍化言字又作倍劉伯莊注迎也亦作迕廣雅釋詁一愕  
 驚也段借為倍小爾雅廣詁迕犯也  
 管子心術無形則無所位迕注逆也

藥 鄂

江夏縣外邑鄂聲在今湖北武昌府武昌縣別義又有西鄂在  
 今河南南陽府又左隱大傳納諸鄂在今山西平陽府太平縣  
 段借為鄂甘泉賦紛披麗其亡鄂景福殿賦肅抵鄂之鏘鏘注鄂根  
 鄂也周語穿鄂注鄂柞格所以誤歌者也又詩常棣鄂不韡韡傳猶  
 鄂鄂然言外發也箋承華者曰鄂字亦作鄂江淹詩青松挺秀莠又  
 為選列子周穆王二曰蘆夢注當為驚愕之愕謹即鄂字漢書霍光  
 傳羣臣皆驚鄂失色注凡言鄂者皆謂阻礙不依順也則謂借為申  
 又為鄂長苗賦不占成節鄂注直言也大戴曾子立事君子出言以  
 鄂鄂注辨厲也亦重言形况字又疊韻  
 連語淮南天文作鄂之歲注零落也

陌

綖 綖維也。从糸，逆聲。按秦漢之綖，所以代古之鞞佩也。秦漢之綖，如古之綖也。秦漢之綖，長丈二尺，至丈九尺九寸，其綖長三尺。至三尺二寸，漢書翟義傳持黃金印赤鞞，綖服虔曰：綖者，系也。綖，即今之綖也。續漢輿服志：綖者，古佩璲也。佩綖相逆，受故曰綖。

遇

訴 公之周愨，天子齊策必東愨于齊，又慮雅釋詁二：訴，誼也。左成十六傳：訴公于晉侯，注：諮也。論語：膚受之愨，又公伯寮訴子路於季孫，假借為遺公羊宣大傳：愨而再拜，注：驚鬼，又為訴，西征賦：愨黃卷以濟，潼又重言，形况字易履，愨終吉子夏傳：恐懼見按與號，號索皆同。舌韻詩：柏舟，叶茹，據愨怒。

藥

越 距也。按謂遠也。从走，席省聲。漢令曰：越張百人，姚秋農先生云：據漢書申屠嘉傳作蹶，張王篇廣韻皆以越為越之，或體知此字从厥省，傳寫誤。从

藥

越 此字从厥省，傳寫誤。从

藥

柝 判也。从木，席聲。土裂曰坼，木判曰柝，字亦作柝，俗又作柝。段借為櫟，說文引易繫辭傳：重門擊柝，穀梁莊廿五傳：士擊柝，孟子抱關擊柝，西京賦：尉不施柝，東京賦：函谷擊柝於東，按櫟亦判木為之，罇其中，令相擊作聲，此畏借之，最近亦可為轉注者，又為鹿淮南

遇

沂 逆流而上曰沂，泗沂向也。水欲下，違之而上也。从水，席聲。舌韻易繫詞：叶柝客。

遇

沂 十二：邈行也。左文十傳：沿漢沂江，吳語：沿海沂淮，東京賦：沂洛背河，注：向也。史記：司馬相如傳：沂入埏，集解：流也。又詩：桑柔如彼邈風，公劉邈其過，瀟傳：鄉也。洛神賦：御輕舟而上邈，法言：五百其邈於日乎，注：邈也。七命：邈九秋之鳴，雁按：字亦作僚，中庸索隱：行怪注：僚猶鄉也。荀子：議兵，蘇刃者死，以蘇為之，廣雅釋言：僚經也。假

陌

坼 坼也。从土，坼聲。按土裂，淮南本經：天旱地坼，注：燥裂也。廣雅釋

陌

坼 皆甲坼，又周禮：占人十人占坼，注：兆壘也。舌韻易解：叶作坼。

亦六名凡亦之派皆衍亦聲 羊驛切

陌

亦 人之臂亦也。从大，八象兩亦之形，字俗作腋。廣雅釋親：胛謂之腋，埤蒼：腋在肘後，轉注廣雅釋器：帟帳也。按象兩腋之張也。字亦作帟，周禮：幕人掌帷幕幄帟，綖之事，注：帟，王在幕若幄中，坐上承塵，幄帟皆以繪為之。周書：王會：埤上張赤帟，陰羽假借為奕，詩：豐年



陌 掖

有叔液鼎疑即  
八士之叔夜

掖以手持人臂投地也从手夜聲左傳廿五傳二禮從國子巡城  
掖以赴外疏掖本持臂之名遂謂臂下脅上為掖是因名轉而  
相生也按臂下脅上正字當作亦假借為亦說文一曰臂下也應劭  
地理風俗記張掖言張國臂掖以威光狄又漢書成帝紀關入尚方  
掖門注在兩旁如人臂掖也後漢襄楷傳注端門左右星為掖門西  
京賦愿掖庭注掖庭今官主後宮又禮記儒行衣逢掖之衣注大掖  
之衣大袂禪衣也字亦作掖方言四檐謂之掖廣雅掖袖也又詩衡  
門序誘掖其君箋扶持也又託名標識字左襄四傳注東萊掖縣漢  
書作夜在今  
山東萊州府

陌 睪 十六名凡睪之派皆衍睪聲

羊亦切

陌 睪

睪司視也从橫目夨夨會意命吏將目捕罪人也按目猶今言眼  
目購線者字俗作睪假借為澤荀子正論側載睪芷以養鼻按  
即儀禮實綏澤之澤香艸澤蘭也孫叔敖碑收九睪之利又為鼻水  
經頴水注睪城即古成鼻亭鼻睪相似荀子正論代睪而食按亦伐  
鼻之誤即淮南之馨鼓而食也又為鼻荀子玉霸睪牢天下而制之  
注讀如媯或作畢新序作宰按作畢是也形之誤又畢辭形况字家

陌 釋

釋獲又爾雅釋詁至釋畜十九篇左襄廿九傳釋不朝正于廟也  
晉語惑不釋也吳語乃使行人奚斯釋言于齊呂覽上德太子不肯  
自釋注理也遊天台由賦釋二名之同出注謂解令散也轉注淮  
南本經發怒則有所釋憾矣楚辭情誦謗不可釋老子渙兮若冰之  
將釋注釋者消亡禮記月令冰凍消釋又爾雅釋詁釋服也字亦作  
憚詩既夷既憚傳服也爾雅釋詁憚樂也字林憚怡也詩板辭之憚  
矣傳悅也禮記文王世子其成也憚注悅憚書顧命王不憚馬本作

釋注疾不解詩靜女說憚女美箋當作釋假借為捨左襄廿一傳釋  
茲在茲注除也禮記禮器禮釋回增美質注猶去也儀禮鄉射禮主  
人釋服注說朝服士虞禮俎釋三今注猶遺也楚辭惜誦欲釋階而  
登天兮注置也呂覽長見視釋天下若釋躡注棄也漢書東方朔傳  
服膺而不釋注廢置也方言六憚改也廣雅釋詁三憚更也又為赦  
晉語君其釋申生也注舍也史記周本紀釋箕子之囚晉語臣亦釋  
宋之圍漢書趙充國傳釋有罪誅亡辜又為藉為絨儀禮聘禮記出  
祖釋轍禮記月令習舞釋萊周禮占夢注古書釋菜釋奠多作舍字  
又重言形况字爾雅釋訓郝耕也舍人注釋釋猶藿藿解散之意  
詩載芟以澤為之同舌韻詩節南山叶惡憚頰弁叶栢奕憚那叶斲

陌 譯

奕容憚昔作夕恪楚辭情誦叶釋白哀那叶蹠客薄釋招魂叶託索石釋大招叶酪薄薄釋轉音楚詞悲回風叶積擊策迹適愁益釋

陌 弄

字引給也从井聲讀韻誤作畢引繪兒合畢弄為一

遇 斲

解也从支畢聲詩曰服之無斲斲厭也一日終也詩振鷺在此

遇 殫

敗也从支畢聲商書曰彝倫攸殫今洪範以

陌 圍

回行也从口畢聲商書曰圍圍者升雲半有半無讀若囿今洪

陌 釋

糶子漬米也从米畢聲與釋字別詩生民釋之叟叟爾雅釋訓釋文

藥 釋

周禮王府疏作釋毛傳澤潤澤也鄭箋褻衣近汗垢者則謂澤

陌 嶧

葛嶧山在東海下邳西从山畢聲在今江蘇淮安府邳州書禹

陌 驛

驛左文十六傳楚子乘驛襄廿七傳使驛謁諸王假借為圍書

洪範曰驛王注霍驛消滅如雲陰疏兆氣落驛不連屬也鄭注圍者色澤而光明者也則謂借圍為澤周禮太卜注正作圍又疊韻連語漢書王莽傳駱驛道路注不絕也又重言形况字詩載芟驛驛其達廣雅釋訓驛驛盛也

藥澤

澤字光潤也从水睪聲禮記曲禮共飯不澤手少儀澤劍首考工概氏實諸澤器荀子禮論順非而澤離騷芳與澤其襟袿兮又素問經絡論熱多則淖澤王機真藏論色天不澤又孟子君子之澤注滋潤之澤又則是干澤也注祿也按猶恩膏又史記河渠書溉澤鹵之地經傳皆以斥為之又漢書楊雄傳澤滲瀰而下降注雨露也又儀禮既夕記實綏澤焉注澤澤蘭也又詩無衣與子同澤釋名汗衣詩謂之澤受汗澤也字亦作澤轉注釋名下而有水曰澤言潤澤也風俗通水草交厝名之為澤言其潤澤萬物以阜民用也周語澤水之鍾也左宣十二傳川壑為澤廣雅釋地澤池也易說卦傳兌為澤左成十四傳宋蕩澤字子山段借為擇家語郊問王親立于澤宮禮記射義天子將祭必先習射于澤擇者所以擇士也周禮司弓矢澤共射楛質之弓矢司農注澤宮所習射選士之處也又為醴實為醴禮記郊特牲舊澤之酒注澤讀為醴周禮司尊彝注澤讀曰醴又為宅莊子則陽比于大澤百材皆度又為釋夏小正農及雪澤又史記孝武紀先振兵澤旅又託名標識字左襄十七傳澤門之督釋文本亦作臯廣雅釋鳥澤虞戴勝也釋草陵澤甘遂也爾雅釋草澤烏菴

藥澤

又蒨蕩疏澤瀉名水瀉一名鴿瀉又趙策尹澤晉語作尹鐸又重言形况字詩載芟其耕澤澤爾雅作郝同聲訓素問疏五過論令澤不息注澤者液也又左文十八傳宋公孫澤字碩甫舌韻詩無衣叶澤戢作鴻雁叶澤作宅載芟叶柞澤考工弓人叶昔澤白赤韓非大體叶路澤文字道原叶露澤呂覽任地叶澤隙轉音穆

陌擇

天子傳古文五叶澤玉穀文子道原叶木石澤殯

陌擇

東選也从手睪聲呂覽簡選與惡劍無擇注別也淮南倣真而錯擇名利注取也漢書韋元成傳申此擇辭注謂創艾也段借為擇書呂刑罔有擇言在身孝經口無擇言身無擇行按敗也古韻左隱十一叶度擇

陌釋

釋字抽絲也从糸睪聲爾雅釋詁陳也方言一長也大理也絲曰釋也之廣雅釋詁四充也窮也終也釋言播也三蒼抽也解也詩賚敷時釋思禮記射義射之為言釋也釋者各釋己之志也論語釋如也鄭注志意條達之兒釋之為貴馬注尋也楊雄劇秦美新神歇靈釋注猶緒也轉注爾雅釋天釋又祭也書高宗彤日傳殷日彤周曰釋詩絲衣序釋賓尸也公羊宣八傳釋者何祭之明日也左傳注陳昨日之禮所以賓尸字亦作釋段借為驛詩常武徐方釋騷又為奕詩車攻會同有釋按釋亦奕也傳訓陳非又為數詩泮水徒御無釋又為釋實為釋詩板辭之釋矣那莫不夷釋又託名標識字詩闕宮保有鳧釋傳山也左宣十年伐邾取釋公羊作蘋與禹貢之澤陽別

陌釋

釋字抽絲也从糸睪聲爾雅釋詁陳也方言一長也大理也絲曰釋也之廣雅釋詁四充也窮也終也釋言播也三蒼抽也解也詩賚敷時釋思禮記射義射之為言釋也釋者各釋己之志也論語釋如也鄭注志意條達之兒釋之為貴馬注尋也楊雄劇秦美新神歇靈釋注猶緒也轉注爾雅釋天釋又祭也書高宗彤日傳殷日彤周曰釋詩絲衣序釋賓尸也公羊宣八傳釋者何祭之明日也左傳注陳昨日之禮所以賓尸字亦作釋段借為驛詩常武徐方釋騷又為奕詩車攻會同有釋按釋亦奕也傳訓陳非又為數詩泮水徒御無釋又為釋實為釋詩板辭之釋矣那莫不夷釋又託名標識字詩闕宮保有鳧釋傳山也左宣十年伐邾取釋公羊作蘋與禹貢之澤陽別

又周禮龜人地龜曰繹屬按即爾雅之仰者謝也作謝作射作繹皆同又重言形况字爾雅釋訓繹繹生也詩載芟驛驛其達作驛同駟以車繹繹傳善走也韓詩章句盛兒漢書楊雄傳注繹繹相連兒韋元成傳注繹繹和調之兒五行志注繹繹光采兒白虎通封禪繹繹之山繹者無窮之意也霽訓風俗通正失繹明已功成而去德者居之繹繹者無所指斥也古韻詩車攻叶奕鳥繹駟叶駱雒繹駟作闕宮叶繹宅猶諧若禮射義叶射繹舍

藥 鐸

大鈴也軍法五人為伍五伍為兩兩司馬執鐸从金畢聲按金口金舌為金鐸所以奮武事周禮大司馬執鐸鼓人以金鐸通鼓是也金口末舌為木鐸所以振文教周禮小宰徇以木鐸宮正司烜氏以木鐸脩火禁鄉師士師以木鐸徇于市朝禮記檀弓執木鐸以徇于宮左襄十四傳適人以木鐸徇于路淮南汜論告寡人以事者擊鐸是也又淮南繆稱鐸以聲自毀說林心所欲毀鐘為鐸轉注論語天將以夫子為木鐸孔注制作法度以號令于天下段借託名標識字漢書劉輔傳殺其大夫鳴犢說苑作鐸聲訓釋名釋兵鐸度也號令之限度也

藥 蔞

艸木凡皮葉落墜地為蔞从艸擇聲詩蔞兮蔞兮傳稿也七月十月隕蔞鶴鳴其下維蔞傳落也別義中山經甘棗之山有蔞

焉葵木而杏葉黃華而莢實名曰蔞可以已曹又謝靈運詩初篁苞綠蔞注竹皮也古韻詩蔞兮叶蔞伯七月叶獲蔞貉鶴鳴叶蔞石錯

藥 谷

口上阿也从口上象其理或从口卻聲或从肉虞聲

藥 頤

相倚頤也从頁谷聲段借為御史記司馬相如傳傲頤受詘索隱倦也集解疲極也漢書誤作執注音與劇同文選子虛賦誤

作 執

陌 卻

晉大夫叔虎邑也从邑谷聲與从口之卻別聲類卻鄉在河內段借為陳漢書孫寶傳與紆陽有卻禮記曲禮相見于卻地曰

會莊子養生主批大卻字亦作却周書典寶喜怒不卻

藥 卻

節欲也按退也从口節制意谷聲與从邑之卻別俗字作却考工梓人卻行仄行莊子人間世吾行卻曲秦策怒戰慄而卻儀

禮既夕卻下而載之楚辭愍命却驥以轉運兮老子却走馬以糞釋文除也又廣雅釋詁二卻讓也漢書爰盎傳盎引卻慎夫人坐又

莊子天道今吾心正卻矣釋文息也素問血氣內却注閉也呂覽召類舜却苗民注猶止也任地使其民而却之注逆之也字亦作却轉注儀禮士昏禮昏會卻于敦南疏仰也謂仰于地也公食大夫禮亦一合卻之假借為隙莊子知北遊若白駒之過卻德充符使日夜

無卻列子黃帝其神无却素問刺其却中舌韻呂覽任地叶逆慕薄却慕下粗葛也从糸谷聲或从巾小爾雅廣服葛之精者曰絺纈音曰絺葛覃為絺為絺儀禮士昏禮絺葛燕禮軍用絺

陌 綌 鄉飲酒禮記尊綌冪士喪禮皆用綌禮記檀弓綌衰總裳月合巾以綌論語孔本禴綌給舌韻詩葛覃叶莫漢綌駁器別義一曰木下白也

藥 腳 脛也 賦射麋脚麟史記集解倚足也漢書以格為之醫訓釋名脚卻也以其坐時 卻在後也

藥 御 傲御受屈也从人卻聲按與御同字子虛賦傲御受詘以祇為極也假借為膝廣雅釋詁一御勞也又

藥 螂 渠螂一曰天社御覽引作天柱从虫卻聲按即蝓蝓也蝓蝓之子蝓蝓之智在於轉丸蟲喜入糞中丸糞極圓一前者兩足抱而卻行一後者推而致之坎地納丸不數日有蝓蝓自其中出亦名推丸今蘇俗謂之屎羌耶

藥 窠 際見之白也从白上下小兒按會意際見之光一綫而已 窠四名凡窠之派皆衍窠聲 起逆切

陌 號 蠅虎也从虎窠聲易陸績注號蠅虎始在穴中跳躍而出假借重言形况字說文引易履虎尾號號恐懼廣雅釋詁號號懼也易履馬注號號恐懼也今作恐恐同又震來號號荀謂作恐恐字亦誤作規莊子天地規規然釋文驚懼之兒舌韻易震叶號啞

藥 窠 窠聲按蟲窠疊韻連語亦作渠略同 窠聲按蟲窠疊韻連語亦作渠略同

陌 隙 隙聲按蟲窠疊韻連語亦作渠略同 隙聲按蟲窠疊韻連語亦作渠略同

問若駟之過隙漢書魏豹傳如白駒過隙轉注史記貨殖傳居雍隙  
集解閒孔也又左哀十二傳宋鄭之間有隙地焉注閒田也楚語四  
時之隙注空閒時也周語二閒夾鐘出四隙之細也又可以上下無  
隙矣注瑕釁也左襄廿八傳注宋盟有衷甲之隙字亦多以卻以卻  
為之古韻呂覽  
任地叶澤隙

附說文不錄之字

於

廣雅釋詁  
一於笑也

於

廣雅釋詁  
三於擊也

菸

廣雅釋詁四菸葱  
也釋器菸臬也

雜

爾雅釋畜雜大者蜀  
蜀子雜釋文本作餘

餘

爾雅釋鳥其鳥為餘  
注似鷄而小黃黑色

漆

爾雅釋草漆虎杖又  
漆菱葉又姚莖漆薺

澌

說文新附  
澌水浦也

癩

廣雅釋言  
癩腫也

蔚

廣雅釋草  
蔚穗也

駘

捨

儲

賭

箸

拑

拑

據

據

爾雅釋畜  
牝曰駘

廣雅釋獸  
捨雌也

中山經前山其木多儲注似柞漢書司馬相如  
傳沙棠櫟儲郭注似采柔張注似拾葉冬不落

通俗文錢戲曰賭掉蒼賭騙也說文新附賭博塞也韋曜博奕  
論賭及衣物疑射覆之射字猶意錢之戲為意也字林脚賭勝

亦作

廣雅釋親  
箸父也

廣雅釋詁  
三拑開也

廣雅釋詁  
擊也字亦作拑

廣雅釋宮  
據籬也

廣雅釋詁  
三據擊也

獠

瀘

據

蟪

億

濂

癩

鮠

麇

筮

漢書地理志  
獠縣名音虎

說文新附  
瀘水名

方言十二據張也廣  
雅釋詁一據引也

方言八守官或謂之蟪蟪  
廣雅釋魚蟪蟪蜥蜴也

荀子非十二子勞苦事業之  
中則億億然注不勉强之兒

廣雅釋詁  
二濂乾也

廣雅釋言  
癩瘡也

海外西經女戚女祭居兩  
水閒咸操魚鮠注鱣魚屬

爾雅釋獸麇其子麇字亦作麇段借  
為麇爾雅釋草注當歸似蕪而麇大

廣雅釋器  
筮謂之筮

鯨

西山經濫水多鯨魮之魚是生珠玉注亦蚌類

齧

廣雅釋詁三齧齧也

圻

字林圻

惺

廣雅釋詁三惺惺也通俗文多意謂之惺惺

鶻

鶻

爾雅釋鳥鶻鼠夷由字亦作鶻燕城賦階門磨鶻

媯

埤蒼媯美女也釋名釋長幼女青徐曰媯媯忤也始生時入意不喜忤忤然也

盱

易盱豫姚信注盱日始出漢書地理志下注盱大也則借為盱

鯨

爾雅釋魚鯨鯨鮪鮪注俗呼魚婢按今旁皮魚也釋文鯨郭音步字林工于反施蒲悲反

𦍋

廣雅釋親𦍋音也

疔

廣雅釋詁一疔病也

鞞

靴

釋名鞞本胡服趙武靈王所服俗作鞞

軒

廣雅釋器軒柳車也

穿

長笛賦運哀穿注卑曲不平也疑即窞字

蟬

字林蟬六蛇也出魏興啖小蛇吸蝮但張口小蛇自入也

擲

左昭廿一傳大者不擲注橫大不入

窞

廣雅釋詁三窞寬也

莖

爾雅釋草莖莖菘藿本草一名無姑一名藪藪

塤

方言十三凡葬而無墳謂之墓所以墓謂之塤注塤謂規度墓地也漢書曰初陵之塤是也則即喪字塤字塤字

甌

甌

禮記禮記甌甌注甌瓦器禮器君尊瓦甌注甌五斗儀禮士冠禮一甌醴少牢禮司宮尊兩甌于房戶之閒古文皆以甌為之

甌

方音五甌甌也廣雅釋器甌甌也字亦作甌按此字當補入說文

噓

麤

鸛

獸

荻

蛄

糊

帖

醐

瘳

漢書韓信傳諸將皆噓然陽應曰

諾注噓不精明也按單詞形况字說文新附鸛能毳毳皆羶縑之屬廣雅釋器鸛

屬也風俗通織毛得謂之鸛能字苑作鸛能

考工記鸛能字

漢書外戚傳函菱荻以俟風兮李奇注

荻花中齊也韋昭注荷葉未落時也

蛄雅釋宮

廣雅釋器

說文新附醍醐酪之精者也通

俗文醑醍謂之醍醐字作醐

鞞

鞞

懷

護

鮪

鮪

蚊

補

補

瘳

通俗文鞞折

皮具午牽船

廣雅釋器

廣雅釋言

廣雅釋魚鮪鮪鮪也

廣雅釋魚

廣雅釋魚

廣雅釋魚

廣雅釋魚

廣雅釋言

謫

廣雅釋言謫謫也

蝻

廣雅釋蟲蝻蝻蝻也

縛

廣雅釋畜吳羊犗曰縛

埤

淮南要略注埤靡煩也

礎

廣雅釋宮礎礎也淮南說林山雲蒸柱礎潤注柱下石礎也許注楚人謂柱礎曰礎

嶼

西京賦雕楹玉嶼注嶼也吳都賦島嶼縣邈劉注海中洲上有山石

澁

爾雅釋水濟為澁

盃

廣雅釋器盃杯也方言五盃楮也注所謂伯盃者也按今字以雅為之

稽

禮記內則稽樵注孰穫曰稽

稽

後漢獻帝紀注稽與稽同埤蒼稽自生也又見光武紀旅字注

紹

廣雅釋詁二紹緝也釋言繫也

庥

埤蒼庥大夫冀叔庥也

糗

蒼頡糗架餅餌也江南呼為膏糗通俗文王綰者謂之糗糗

塿

廣雅釋宮反塿謂之塿

櫟

吳都賦木則楓栢櫟樟

肚

廣雅釋親胃謂之肚

譜

廣雅釋言譜牒也說文新附籍錄也字亦作謚桓君山云太史公三代世表旁行斜上普敘周譜是譜之名起于周代也左傳

序及地名謚第孫叔敖碑陰別口謚純也聲訓釋名譜布也布列見其事也亦曰緒也主緒人世類相繼如統緒也史記三代

世表不可得而譜正義譜布也詩譜序以立斯譜疏譜者普也疑即數字

姥

媽 一切經音義引字書媽母也今以女老者為姥也

鞋

釋名釋車鞋鞵車中重薦也輕鞋鞵小知者也

苙

爾雅釋車苙夫王

坻

廣雅釋器坻璧也

軛

廣雅釋器軛頭車也

帛

廣雅釋器帛被巾也

眎

方言十二眎文也埤蒼眎赤文也漢書楊雄傳注眎明也

嗉

爾雅釋鳥亢鳥嗉其振嗉釋獸鳥曰嗉字亦作嗉射雉賦裂嗉破觜徐注喉受食處也

呀

廣雅釋詁一呀扞也 說文新附呀張口兒字林呀大空也通俗文唇不覆齒謂之呀 漢書楊雄傳灑沈蓄而呀壑瀆兮蕭該曰字或作呵呵叱問四

颯

瀆也假借雙聲連語海賦猶尚呀呬注波相吞吐之兒 西京賦舍利颯 颯薛注容也

呀

廣雅釋器呀兒咎也 或曰即置字之誤

呀

列子力命穆呀阮孝緒云忍呀伏態兒

遺

爾雅釋草荷其葉 遺釋文或作葭

煨

廣雅釋詁二煨爇也

暇

爾雅釋畜牛絕有力欣暇

頤

字林頤頤難語 廣雙聲連語

媧

廣雅釋詁一媧好也

虵

爾雅釋魚虵博而 頰字林虵屬

筵

三名筵竹  
一名筵竹

設

廣雅釋詁  
三設孛也

妃

字林妃  
女字也

剗

廣雅釋詁四剗到也吳語自剗于客前  
以酬客疑剗之誤字剗即斲字斲也

礪

江賦元礪槐稜而  
礪注不平之兒

偃

韻集偃倚也今言  
息偃臥卻偃皆是也

歎

廣雅釋詁  
一歎極也

抓

廣雅釋詁  
一抓引也

檣

方言五案  
謂之檣

篤

廣雅釋器  
篤程也

馮

方言十三馮益也  
按此馮之誤字

廡

廣雅釋宮  
廡庵也

匱

淮南說林則推車至今無蟬匱注  
蟬匱車類讀如嬰相之圃之嬰

輶

廣雅釋器  
輶輶也

護

南山經青邱之山  
多青護注黝屬

礮

字林礮礮  
打草田器

嘍

史記信陵君傳晉鄙嘍索隱多詞句也聲類大笑也風賦注  
大喚也外戚世家武帝下車泣曰嘍索隱嘍蓋恡之詞正義失

𧈧

聲驚愕  
兒也

餈

廣雅釋詁一餈食  
也釋器餈蕞也

鮓

釋名鮓菹也以鹽米釀魚以  
為菹熟而食之也疑鮓蘆字

薛

廣雅釋草薛  
菇烏芋也

解

廣雅釋水  
解艦舟也

蚱

一切經音義引字書蚱蟻  
淮南名去父也即蟾蟻也

峯

坤蒼峯峯山不齊也按與炸鄂同海  
賦啓龍門之峯嶺注高兒峯亦作嶺

酪

廣雅釋器酪漿也禮記禮運以為醴酪禘記食鹽酪可也注酪  
醉載漢書百官公卿表注梁州亦名馬酪為馬酒通俗文煨羊

酪

乳曰酪說文新附酪乳漿也聲訓釋  
名酪澤也乳汁所作使人肥澤也

趨

廣雅釋詁  
四趨偃也

鵲

爾雅釋鳥鵲鵲注  
鵲也亦謂之鵲鵲

烙

方言十一烙蝘謂之烙  
廣雅釋蟲烙蝘也

烙

說文新附  
烙灼也

硤

西山經上申之山多硤石注磊硤  
大石兒楚詞憫上山島兮硤硤

賂

方言二賂賂  
也六賂視也

鰈

薛翊異物志鰈鰈有橫骨在鼻前狀如斧斤江東呼斧斤為鰈  
故謂鰈鰈也此類有二十種各異名如鋸鰈等齒利如鋸即名

疥

疥疥也按即  
疥疥也疥疥

侘

離騷侘傺邑余侘傺兮注失志見侘傺堂  
堂立兒也字亦作侘傺見後漢馮衍傳

蕙

廣雅釋草蕙  
薈黃芩也

窀

魯靈光殿賦窀穸  
垂珠注窀亦窀也

飪

方言十三  
餅謂之飪

駮

爾雅釋畜釋文引字林駮似鹿而大  
肉較出繞山字亦作駮亦以橐為之

駮

駮駮也

嶠

嶠

嶠

嶠

嶠

嶠

嶠

嶠

嶠

西京賦坻嶠鱗胸注引文字集略崖也通俗文

山如重巖曰嶠字亦作隅按即削字之轉注

洞簫賦密漠泊以嶽猿注嶽岫

竹密見此疊韻連語本無正字

字林嶠鶴鳥名似鶴出縣雍山按雙聲連語

江賦越越越也

廣雅釋水船舟也字林大船也今江南泛海船為船崑崙及高麗皆乘之大者受萬斛也通俗文吳船曰扁晉船曰船長二十丈載六七百人

廣雅釋室

儀禮士喪禮兩

而屬坤注燁燁光明也魯靈光殿賦赫燁燁

嶠

嶠

嶠

嶠

嶠

嶠

嶠

嶠

嶠

釋

釋

釋

釋

釋

釋

釋

釋

釋

釋

字林釋

廣雅釋室

儀禮士喪禮若釋

方音十三

爾雅釋魚蠃蟬小者蝟注螺屬按即寄居也如小蟹戴殼而走注又引或說即彭蠡謂今之彭蠡也

廣雅釋鳥

廣雅釋器

字林越

爾雅釋草蒹葛

字林越

越

廣雅釋詁  
四越僵也

劓

廣雅釋詁  
二劓裂也

濯

廣雅釋詁  
二濯漬也海賦  
濯漑濯謂注眾波之聲

劓

廣雅釋詁  
二劓裂也

鞞


釋名鞞鞞之缺前雍者胡中所名也鞞鞞  
猶速獨足直前之言也廣雅釋器鞞鞞屨也



都

左傳廿五傳秦晉伐都注本在南密秦楚界上小國按在今河南南陽府內鄉縣西南即三戶也注又云其後遷于南郡都縣

籊

則在今湖北襄陽府宜城縣即鄂也  
字林都楚邑按此字當補入說文  
字林籊竹黑  
皮竹浮有文





越 劉 濯 劉 鄧 無

